



10505

讀書堂綵衣全集

河陽趙士麟玉峰父著

男 宸黼編



卷二十九

北征詩五十首

鉤輅行爲苗民作

黔南有鉤輅飛鳴異眾鳥苗民將無同侏儻亦未曉伊昔村嫗  
浣河濱風飄巨竹來及身忽聞其內呱呱泣剖而視之兒尙存  
養成有力猛如虎叩關納款臣漢武封以竹王鎮夜郎子孫盤  
踞西南土五溪百粵與峩岷種類無過貴竹紛自恃巢穴爲土  
著反輕編戶稱流人白苗青苗散林麓狎子龍子滿山谷更有

讀書堂卷第二十九

一

浙江書局刊

剪頭及打牙狎獍狔狔爭馳逐九股八番不足奇牯羊毛草傳

聞疑白苗以下皆苗民疆宇天開原錯繡詎知此地襍華夷男子跳梁

佩弩箭鑽刀百煉光如電婦女銀環姁妥粧花裙繭扣璫屬藉

和歌相合便成婚何用蘆笙牛酒陳大抵重男不重女生女棄

之亦不嗔此輩性情同犬豕一言逆意抽刀起跣足山椒疾若

飛叛服靡常擾邊鄙 世祖開基崇建囊土司辦稅無苛條

今上寬仁同天地猺獠戴德安荒要吁噫嘻漢唐以來多伐叛

糧盡兵窮始革面莫如 天家簡循良一人可抵師百萬

鎮遠四十里 入湖南界五十里清浪衛三十里結魚舖三十里便

驛水

焦溪

漸入湖南境平途異建瓴池偏鷗自集苔卧鹿曾經霽後琴書

潤風前草木腥回看曉發處高嶺逼青冥

### 晃州江行

雞鳴關外露初晞古驛寒原過客稀十里江聲隨上下漁舟過處鷓鴣飛

### 蜈蚣關

山行亦已久愛此興偏狂百折能爭秀一峰更獨蒼尋樵初得路代御自褰裳遙望江流外飛盡鷓鴣

便水驛

十里白茅鋪二十里

杭州本唐巫州地後改敘州嗜好居

處頗似巴渝中經迴龍關至栗子關鳥道一縲下臨蛟宮輿

人側足號呼路極紆折

### 由迴龍至栗子關

高閣勢峭屹迴龍毋乃是輿人側足呼踐霜行岷嶴鳥道俯蛟

### 讀書臺卷第二十九

二

浙江書局別

宮幽翳深無底澄江天際來望猶衣帶水大樹莽蕭蕭雙門蒼然峙上下如猿猱盤旋白雲裏亭午至關前雜坐久復起溪谷自迴環要非人所履風俗近巴渝幾家在山此

鷓鴣

山行其聲斷續悽然有旅思焉

山靜人稀聲激越間關遊子妻魂魄歧途不慎成轆轤謝汝丁甯行不得

沅州並辰溪行

四十里

羅善驛道傍楓杉甚多高峰拔地啾啾鳥鳴

與虛谷相應

三十里馬公坪三十里

道漸平過此雖無兩崖

峻峭而松林如薺綠色連岡縱矚靡涯又不覺悅心快目矣

### 羅舊驛

荆南卑溼甚晴燠異余聞鳥鵲隔林應辰沅一水分高峰仍拔

地古木自藏雲舉網鱸魚美銜杯話夕曛

懷化 四十里中舖三十里山本漢辰陽地爲五溪之一縣南  
塘驛三十里辰溪驛  
十里紫金山卽名勝志大酉山也廣記云第十六洞天宥生  
雲母崖滴丹砂卽此麻溪四十里辰州府漢武林郡地蠻  
人所居馬援嘗征之

船溪曲

四首

白鷺下沙洲山空翠入流洞中雞犬靜更勝武林遊

其二

亂石倚檐高懸崖結搆牢若非神斧琢終挾五溪飄

其三

紫洞乳頻滴蒼巖笋倒垂地中鞢鞞響江上海潮隨

其四

潭邃晴飛雪山寒鳥倦啼肩輿渾欲卻鼓棹出船溪

讀書臺集卷第二十九

三

浙江書局刊

紫金山

辰溪曉度萬松圍樹樹寒濤漱石磯欲訪西山探祕笈紫金山

下掩雙扉

尋二酉不得或云紫金山卽是

辰州重岡復嶺控扼溪洞乃險要固塞之地也十里殺虎石舖三十里馬底驛三十里中舖三十里辰州馬瀾關關後有石

里界亭四十里甯鄉三十里新店驛

下覆水滴成乳故名泉名亦如之今易爲挂虹泉過關所經高坡如關者二一日青山一日白霧而青山坡尤高出馬底

驛有芙蓉關馬鞍關亂石關而後至新店惟辰龍關最峭險

由界亭至新店左山右水中通一道多樟櫟楓香之屬諺云

四十八道水不乾臨了又過馬鞍山此其地也

挂虹泉

月季花飛雪嶼紅靈泉卻近七盤東行來石畔垂雲乳坐看天

邊挂玉虹

芙蓉關

雄關迢遞白雲封，鳥語如人過客逢。  
雲鎖斷崖懸杵臼，關銜殘雪簇芙蓉。  
巖巖恍入巴江路，秀削疑登華嶽峰。  
過此漸平心自爽，僕夫低唱楚歌從。

馬牽關

一天星斗正爛斑，茅店雞聲促渡關。  
客邸不知寒歷盡，計程纔到馬牽山。

亂石關

一關當亂石行，李歎崎嶇秀異。  
三山色奇排八陣圖，霜侵寒月小。  
木脫遠峰孤，楚蜀多天險。旌旗昔載塗。

界亭

讀書臺集卷第二十九

四

浙江書局刊

xi

界亭風景足怡情，下馬褰裳穿澗行。  
四十八盤青未了，春山一片畫眉聲。  
土人言春日多畫眉聲

辰龍關

一氣關鴻濛，劃然分宇宙。位置出天然，人力慙雕鏤。  
江河經其間，奔騰鮮滲漏。日星燦以繁，手摘近可就。  
造化羞雷同，高下異結構。一水與一山，各各擅奇秀。  
嗟此辰龍關，雲中關雙竇。蜿蜒千里來，復向平沙走。  
置足偶一歛，懸綆不能救。自古文章奇，無出天地右。  
經歷萬里途，皆余不恆觀。險峭莫如斯，况聞虎聲吼。

新店四十里經將軍山有三楠樹高大神所憑依人不敢伐

過陽氣橋遙望松原合杳連空氣猶太古不可名狀其鳥則

青絲畫眉白頭翁飛鳴翔舞若笙簧徐數再進兩山如束喬

木千章小橋流水亦自怡情三十里有桃川宮陶淵明桃花

園記卽此或云洞在鳥頭村有溪爲黃道眞釣魚處道眞見  
桃花流水出捨舟入洞得聞神仙祕訣然水甚淺又伏流恐  
不能泛桃花見名勝志二十里本江名山夾江水雲奔石怒  
詳袁中郎記略桃源縣無城郭荒涼若山村然爲漢沅南縣  
地縣北有采菱亭

楠樹

楠樹挺幽巖歷歲亦云古楚材世所珍不與樗櫟伍其一在層  
巔吐霧興雲煙蛟龍爲之守眾鳥不敢喧其一臨大道盤紆更  
天矯忽作風雷鳴天地忘昏曉其一近溪流倒擁如浮舟旁蔭  
十餘畝日月時淹留睠此明堂材肩隨復鼎峙般倅爾何之棄  
置空山裏

過陽氣橋望松原

讀書集卷第二十九

五

浙江書局刊

僊樂氤氳出翠微小橋流水萬松圍人間別自藏天地惟見青  
絲白羽飛

桃川宮

桃川宮外訪碑題古木參差苔蘚齊寄語後來問渡者仙臺縹  
緲白雲迷

桃花源卽事

夙讀桃源記因慕桃源景竭來訪仙踪不見洞門影雞犬寂無  
聲桑麻竟凋盡徘徊山澤間松風拂衣冷涓涓惟細流漁舟何  
以引豈其畏人知移家復遠遯我欲起淵明同泛桃花艇一醉  
逾千年頽然猶未醒

白馬渡

青帆隨岸行白馬臨江渡帆影挾雲飛江流觸石怒

采菱曲

江水依丹嶂江楓點碧波至今江上女猶唱采菱歌

桃源四十里鄒溪二山不甚高上有太和觀前天門二後天

門一觀外望大江中分爲二榮繞若白練山有白雲洞爲仙

人張虛白醉卧處三十里常德府即漢武陵郡本名義陵郡人聞義

帝爲項羽所弑皆縞素高帝高其義故名義陵後改有招屈

亭爲楚左徒屈原建每端午揚桴中流以角黍祭之今競渡

所自昉也郡有五溪謂雄溪楠溪酉溪無溪一作巫一作舞

辰溪見水經注三十里大龍驛其山蜿蜒如龍驛以此得名有陽山

志云陽山之女雲夢之神後因梁松廟食於上改陽爲梁十三

里蓋山鋪三本漢郡名後廢唐惟儼禪師居藥山在驛之東

四十里新化驛三水至此曲折如繡見一統志過金鴨灘諺二

讀臺全集卷第二十九

六

浙江書局刊

金鴨灘頭水彭山頂上雲所以占晴雨也至涪陽其地多水

水必有荷夏日竟行香風中抵澧州楚詞云沅有芷兮澧有

蘭又云捐余佩兮澧浦故澧州名蘭江亦名佩浦

河湫山太和觀望江

天門遙望楚江開翠巘丹梯依碧苔豈是僊曹多幻術瑤臺載

取二龍回

白雲洞

種尤餐芝絕世氛玉京鸞鶴自爲羣佯狂賴有崔婆酒長謝青

山卧白雲張虛白詩武陵溪畔崔

藥山懷惟儼禪師

欲叩紫扉訪祖庭藥山東望萬松扃至今猶誦香林偈雲在青

天水在餅

陽山

陽山千古豔過客此停輪環佩懷江浦纖濃異洛濱楚王蘭殿  
毀宋玉彩毫新薄暮靈旂動乘雲自絕塵

招屈亭

武陵名義動乾坤招屈亭前遺廟存目斷微波悲帝子情深芳  
草憶王孫舳艫簫鼓中流競涕淚山川故國繁自古有才多不  
遇臨風釀酒暗銷魂

涪陽

金鴨乘流渡江豚鼓浪狂棹歌驚客夢明日是涪陽

澧州

蘭浦曾捐佩名因屈左徒我來逢歲暮煙水隔菰蒲

澧州六十里蒲十里渡孫黃河

四十里張莊鋪漢建安中昭烈為將

讀書堂集卷第二十九

七

浙江書局刊

軍居此時號左公以左公之所安故名地甚荒瘠有青陽湖

記湖隄一作清港湖貴紀湖夏日花香襲人過此乃湖北界

出順甯驛渡孫黃河

殘星辭驛去疲馬渡河行無雪松杉禿先秋蟋蟀聞盛夏即聞蟋蟀見邑志  
荒烟迷斷澗寒旭慰孤征楚邑多凋弊年來漸力耕

公安懷古

旌旂昔日駐河干一旅重興帝業難枳棘應非鸞鳳意行人猶  
指是公安

公安過孱陵驛漢縣名二十里普化觀渡荆江三十里東連

吳會南通五嶺控扼巴蜀下瞰宛洛為吳蜀之門戶寰宇記

羅舍宅在江陵城西庾信亦居之即宋玉宅也昔王粲依劉

表登樓作賦宋陳堯咨更名仲宣樓

屏陵驛

屏陵原漢邑北望近青湖地曠叢生竹姚合詩江村竹樹多於草帆輕半是  
蒲老槐嘶樾馬古驛下饑鳥投宿聞歌舞荆南俗尚巫

冒雪渡荆江

沙邊水鳥自雙雙六出花飛獨倚窗誰解殘年將盡日蕭蕭風  
雪渡荆江

荆江懷古十六韻

禹甸分荆土周疆建鄂都開基由筆路奮跡自桃弧地肺千秋  
迥江聲三峽趨地肺山名荆州有明月峽西陵峽空艑峽風煙通漢沔形勢控巴渝  
白虎雄關峻黃牛湍水紆中原資鎖鑰帝業待馳驅作賦懷王  
粲行吟憶左徒龍山嘉會散鶴澤舊園蕪羊祜與賓客常遊此漸水樓臺  
圯荒村環佩孤明妃歸州人屬荆客程忘歲月日暮泊菰蒲西漢詩人

讀書臺集卷第二十九

八

浙江書局刊

遠東湖勝概殊西漢杜子美所居東湖為一郡之勝芳蘭傳九畹異橘產連珠郡產  
合歡聞曲知商女烹魚問酒壚艱難思枵蜀感慨失吞吳玉洞  
多縹緲香溪或有無明朝仍解纜寒色繞征途

章華宮

形勝依然據上流章華臺榭亦荒丘細腰宮女君王寵環佩重  
來月下遊

荆州五十里建陽縣途有關壯繆祠蓋荆州舊戰地也五十里

陵鋪二十里荆州在萬山中有虎牙關亂石巖巖上合下

空如虎牙重門之狀遠望山路惟見白線一痕州西有蒙惠

二泉題詠甚多蒙山又名象山陸子靜號象山在江右之金

溪今人誤指此山以文安嘗知荆門軍故耳

關壯繆祠

荆州一失阻雄風蘋藻何心廟祀崇滾滾寒濤流不盡千年猶繞永安宮

荆門山

峰迴徑仄見荆門木落猿嘯欲斷魂忽憶杜陵野老句萬山深處一孤村

虎牙關

囊牖漏晨曦僕夫將戎旦葛履涉繁霜短衣纒至胥念之中怍怍登降任其便行行虎牙關狎獠近欲竄逾時步始移忽退前之半青山卧白雲喬木俯霄漢淒淒猿嘯哀惻惻烏亂策杖心魂驚何暇流青盼出險目猶眙溫言勸加飯臨深與登高遊子能無歎

遊蒙惠二泉

讀書臺卷第二十九

九

浙江書局刊

纒適蒙山又惠山清泉白石閉禪關迂途不憚馳驅力攜得殘

詩幾卷還

蒙山舊刻遊人沈傅師五十七人詩惠山亦有玉蕊詩草

荆門州

三十里南橋渡河望四山皆屯雲霧中似青螺搖搖水上

躋山行或曰卽斑竹岡也唐韓翃送人入江陵詩斑竹岡邊

山雨暗枇杷明迥楚山秋是也

二十五里石橋驛二十里樂鄉鋪四十里麗陽驛五十里

麻陽過新店河新店鋪道傍茅長丈餘春秋時包之入貢供縮

酒之用其實自宜城而北茅皆可祭祀見名勝志

石橋驛

遙望大隄近西風吹客襟危橋橫岸直遠岫入江深乞火鄰雞亂窺魚水鶴尋長歌多激楚易感故鄉心

斑竹岡

昨經斑竹岡前雨今踐包茅山下霜行盡荒村四十里輕舟蕩

漾又斜陽

新店鋪宜城縣四十里其地出美酒乃金沙泉所造孟浩然詩宜城

多美酒歸與葛疆游今泉久湮酒頗惡四十里小河村望隔

江烟樹如畫羊叔子墮淚碑猶存東鹿門山卽龐德公孟浩

然之隱居地也又有昭王廟韓昌黎詩猶有國人懷舊德一

間茅屋祭昭王

夜泊宜城驛

竹葉宜城釀停舟卽挈餅那知酒味惡翻使枕函醒江月穿窗

白漁燈隔浦青麗譙頻擊柝永夜不堪聽

峴山懷羊太傅

煙巒高枕大江邊墮淚碑看百尺懸路鎖雲霞猶突兀樹連襄

郢自芊綿輕裘儒雅吳儂服醕酒功高晉業全祜聞有掩襲吳人計者輒飲以

驀臺彙卷第二十九

十一

浙江書局刊

又九二

酒醕參佐從游多感慨不知此地待公傳

龐德公墓

載酒來登高士丘襄陽耆舊幾人留鴻飛海外辭劉表龍臥山

中識武侯廬舍已荒縈蔓草妻孥無恙樂田疇千秋魂魄長依

此月朗風恬策杖游

弔孟浩然書壁

鹿門自昔容高隱爲訪襄陽獨步來古墓近依流水曲孤亭遙

對夕陽開郡城有孟亭夕陽館爲浩然建平生翰墨留勳績半世功名付酒杯

韓會薦浩然因飲酒失嘯傲園林猶不足挂帆南去訪天台見

然

期促之竟不赴朝謁

峴山十里襄陽府郡志云南極湘潭北控宛洛爲鄢郢門戶與江

陵爲唇齒無襄陽則江陵受敵古蹟難以枚舉名人題詠亦

多四十五里中伏鋪抵樊城仲山甫之國也二十五里黃樓

新野入河南界

文選樓 以下古蹟十首

玉軸牙籤萬卷樓操觚染翰盡名流欲裁偽體歸風雅漢魏兼  
將六代收

習家池

種竹栽花賓客隨風流競讓習家池烟巒不改當年色無復山  
公白接羅

銅鞮坊

魚龍騰湧大江西城堞參差樹影迷估客愁看山月夜楚人猶  
唱白銅鞮

讀書臺全集卷二十九

十一

浙江書局刊

一三三

讀書堂綵衣全集卷二十九

河陽趙士麟玉峰父著

受業吳階芝輯

男宸黼編

卷三十

北征詩 八十五首

解佩浦

翠翹珠被遇江濱不是湘靈定洛神忽化彩雲歸絳闕空遺雜  
佩在風塵

夫人城

女隊如雲解用兵桃花馬上甲裳輕只疑娘子提軍出那識夫  
人築壘城

檀溪

高帝曾孫龍種同英雄未遇歎飄蓬一從躍馬檀谿去王業三  
分指顧中

沈碑潭

何煩立石與沈波陵谷遷移奈若何惟有文章真不朽我懷武  
庫酌山河

仲宣樓

寒鴉衰柳滿汀洲去國懷鄉羈客愁不是良禽能擇木棲棲江  
表獨登樓

孟亭

交情夙昔慕金蘭壘石開池召故歡應是煙霞緣未盡手攜詩

卷出長安

新野

驛亭連楚豫懷古步蒼苔髣髴屯兵地荒涼議事臺駐蹕緣竹  
上鳧雁掠波回不遇徐元直焉知命世才

新野在十里淺水平莎時見鷗鳧迴翔上下二十里有范少

伯故里水榭白光武舊宅張衡所謂龍飛白水也渡河十里

驛鄧禹昔嘗居此二十里中鎬三山水盤紆丘原膏沃世稱

陸海

范少伯故居

辭宛遊於越能師七策奇五湖煙水外何處問鴟夷

過光武舊宅

川嶽鍾人傑孤村此中去興昆陽摧大敵湓水讓先登望郭傳

佳氣占禾卜瑞徵當年回玉輦款曲徧春陵

讀書臺叢卷第二

二

浙江書局刊

途經瓦店有懷高密侯

杖策非圖仕興王在一言禹謁光武首以延攬英雄務悅民心

名垂竹帛童叟繞車幡舊里風煙古孤村鳥雀喧護羌聲望著

禹子訓為護羌校尉能不愧清門

過南陽和韓昌黎韻

南陽古帝里煙樹尙蔥菁涪水流無盡雙丸去不停

南陽出郭西南行即臥龍岡有武鄉侯祠祠前建坊大書昭

烈皇帝三顧處一碑鐫前後出師表後一樓顏曰諸葛書院

二十里梅林鏤即曹操望梅止渴之所十里博為火燒曹兵處

臥龍岡題昭烈三顧處

炎漢失威靈羣雄起涿鹿武侯王佐才長吟振山谷管樂非其

倫十畝躬耕足感茲三顧恩馳驅願自勛厥後屢出師摧吳魏

亦衲豈忘隆中言重待天人卜譬如魯仲尼棲棲在川陸稔知道莫宗猶冀周京復聖賢將無同總爲蒼生役

### 題梅林

平疇曠野幾人家過客遙聞噪暮鴉部曲已隨後鶴化空山何處望梅花

博望三十里中舖有光武廟廟前古柏二株凌霄附緣其上

花如孟開時與柏樹相映照馬想望者久之二十里保安

陽十丈人止子路宿處十二里本楚邑有翫龍亭卽葉公畫

龍處雙鳧觀葉令王喬每朔望詣闕惟見雙鳧從東南來命

太史網得之乃雙鳧卽帝所賜卽官履也十五卽子路問津

及沮溺耦耕處二里汝其下澧水所經昔光武破王邑王尋

兵風雨大作澧川盛溢虎豹戰慄不能鬪卽其地也四十里西

### 讀書臺全集卷第三

三

浙江書局刊

姜子牙故里十八里本鄭地周襄王避叔帶之難出適鄭居

此故名襄城北有徐君墓徐君欲季札所佩劍而不言季札

使鄭還徐已死因挂劍墓上而去關外白雲寺日暮行速未

暇遊也

### 裕州光武廟作

光武少年稱謹厚絳衣大冠起南畝羣雄以次盡來歸削平禍亂陟元后武功赫濯文德敷投戈講藝延名儒典章釐定文物修規模自與三代符建武以來千餘載裕州遺廟依然在祠中古柏勢參天光如青銅色如黛上有凌霄附之開盤空交結何時栽下有流泉甘且冽瀟茗看花不忍回緬彼雲臺諸將士攀龍附鳳亦如此此花或是舊精魂化作瓊枝附階祀不然草木易摧殘何爲與柏長相倚

題丈人止子路宿處

丈人有高風延客惟雞黍飄然去不留矯矯真鴻舉

翫龍臺有感

美玉混砥硃良苗亂根莠所恃含靈芝秉鑑庶無負葉公好畫  
龍傳翫亦已久一朝真龍翔見而棄之走好似不好真越哉此  
楚叟相士必文章相馬必牝牡毋乃撥其皮兩者奚以剖今人  
鮮真知毀譽任眾口滔滔長若斯沈尹不足咎

遊雙鳧觀

簿書多鞅掌惟爾獨稱仙飛鳥雲中去乘鳧日下旋苔霑新雨  
露花繞舊山川何事玉棺降人民失此賢

經問津處題壁

雅志事田疇高風嗣巢許不見耦耕人惟見問津處

讀書臺全集卷第三

四

浙江書局刊

川文三

澹川

霜刀貴善藏屢用則已缺所以謹厚人率師摧大敵至今澹水  
涯猶見旌旗色帝業自此基豈徒虎豹慄王尋豎子耳縱死膽  
猶裂

子牙故里

遇合原非易如公寄跡奇青山藏策略白雪映鬚眉終慰蒼生  
望眞成帝者師驅車過故里還憶賣漿時

徐君墓

季子高風動古今回車仗劍特來尋當時宗社猶輕擲官爲純  
鉤易此心

襄城里閭塞四十五里禹州卽禹之都城內有禹王廟東關  
外四土地名石固禹所生地也西關箕山爲巢由隱居之所

北關潁水卽其洗耳處子房進履石公亦在此圮橋之趾尙存

### 題周八士墓

河洛鍾人傑周廷藉羽儀孳生千古少元愷未爲奇

### 登禹州城樓望箕山潁水

神禹開基此建都茅茨應不改前模赤珪已啟明堂瑞

禹發石赤珪如日明封徽王於此潁水依然縈郭外

白珪如月碧瓦空分勝國符今碧瓦尙存箕山兀突枕城隅追思洗耳高踪遠懷古登臨興不孤

### 圮橋懷古

借箸興王業青編圮上逢囊椎何激烈進履自從容佐命師黃石辭封訪赤松至今遺地在流水尙淙淙

禹州新鄭縣古鄆國也道傍多棗柿有溜青風景至此復見

### 讀書臺全集卷第三十

五

浙江書局刊

山雖尋丈亦具巖壑之勢溱洧有廣惠橋卽子產濟人處子

產墓在西南三十里具茨山一名大隗山黃帝登此山受神芝

圖於黃蓋童子上有軒轅避暑洞二十五里至鄆州古高辛

氏火正祝融之墟周初封管叔於此後爲鄆國四十里榮澤

### 古鄆曲

厭山復見山蒼翠霑衣袂風俗近青溜道傍垂棗柿

### 廣惠橋

欲免涉者寒遂令涉者載桃李垂街衢昔人頌遺愛

### 望具茨山

淑氣何磅礴升高望具茨階庭生屈軼山陽訪神芝四相隨朱輅千官擁翠旗受圖與鑄鼎千古至今疑

### 過鄭州和王摩詰韻

朝從新鄭過暮抵故鄭宿積雪被林皋蹇驢度平陸

榮澤

灑河茅舍盡多扁漢帝東巡玉輦經傳昔虎賁命中啞啞鳥

鳥墮青冥

漢明帝東巡至榮澤有飛鳥翔集命虎賁王吉射中之賜錢二百萬至今亭堡多畫鳥

榮澤望廣武山乃楚漢交戰處有敖山卽所謂敖倉也

十里黃河岸二十里王祿營三十里亢村謁湯廟三十里衛輝驛左孟門右

太行南濱大河西壓上黨地最衝要

廣武寓目

平原落日莽蒼蒼廣武山前舊戰場氣結龍文成五采巢人猶

不解興亡

渡黃河

茅舍飄沈沙岸奔操舟欲渡已驚魂灘聲直挾魚龍走水勢真

讀書臺金集卷第三

六

浙江書局刊

今日月昏伐竹自宜勤漢使乘槎未易溯河源 聖朝欲採宣

房議砥柱何人慰 至尊

謁湯王廟

巍巍遺廟在新鄉不著戎衣武自揚萬國琪球遵麻服千秋俎

豆走冠裳黃河斜抱孤城曲嵩嶽遙連古殿蒼自昔君臣稱一

德喬柯西向望空桑

衛輝城南有魏襄王墓晉初有人發冢得竹簡書十餘萬言

世號汲冢書十里比干墓坊店頓有遽伯玉墓二十里古沫

縣又號朝歌城南有殷三仁故里斯脛河有摘星樓

汲冢

汲郡南行卽寢園翩翩風雅異朱軒壙中疇肯藏青簡怪爾偏

留十萬言

比干墓

龍逢異姓臣，梅伯疏逃士。三代重宗親，殺身自公始。草木有餘榮，山川擅厥美。但悲燔臺亾，不惜剖心死。

過遷伯玉墓

衛國多君子，如公自足依。問年餘服政，行事早知非。簞繳能防患，風塵善息機。車聲猶隱隱，時度白雲扉。

朝歌戲詠

顏淵不宿去，墨翟驅車返。碌碌天涯客，馬堵僕人蹇。

三仁故里

曾於青史識三仁，里巷猶存欲薦蘋。麥隴乍經飛雉起，不過故國已沾巾。

新脛河

讀書臺全集卷第三

七

浙江書局刊

濁水迷離過客哀，燐燐鬼火映蒼苔。朝歌未輟糟邱樂，一片旗飛太白來。

淇縣五里淇水澄泓噴薄不異昔時而竹種已絕無一存者  
惟見有斐君子一畝而已二十里高村舖魏文帝幸洛道病  
有師巫愈之因名宜師溝驛本之爲子貢故里有祠像墓在  
五里外

淇水

淇水悠悠駕楫遊，穹碑突兀傍松楸。菁菁綠竹無遺種，瓠子空

沈璧馬愁

過子貢故里作讚一章倣庾開府體

泰山是瞻，檜里攸憩。四友才優，六瑚品貴。與聞性天，出游曹衛。世慕縱橫，我懷政事。

宜溝驛十里龍井昔孫登寓此有龍病疽求治曰痊當有報  
不數日大雨石中裂一井以報之十里信陵君救趙處二里  
扁鵲墓相傳墳土可以療人病或得小丸如丹劑二里嵇紹  
墓四里許有侍中祠三里湯陰縣卽蕩陰岳武穆故里東關  
有銀瓶小姐廟十里美城卽美里亦曰牖里十五里鄧禹杖  
策追光武處二十里彰德府

龍井

神龍裂石泉相報亦何巧攬轡就松風如聞鸞鳳嘯孫登隱蘇門山善嘯  
作鸞鳳之音

信陵君救趙處

公子威名早軼倫邯鄲一戰破強秦趙王郊迎去平原拜不負

夷門擊柝人

龍臺全集卷第三十

八

扁鵲墓

浙江書局刊  
川二八

古墓道傍橫往往得丹劑擇術不庇身高名人所忌扁鵲爲人所如刺死

嵇侍中墓

樛枝古幹映寒暉血濺山龍死視歸何若王裒終不仕蓼莪一

讀一露衣

湯陰謁岳鄂王廟

挽弓三石復能文伏臘猶傳賽祀殷志欲揮戈回漢日心期傳  
檄定燕雲黃龍未共諸君飲青簡終書第一勳石馬夜嘶靈旆

動居民如見岳家軍

題銀瓶小姐廟

玉骨萎荒煙銀瓶墜深井遙憐年未笄忠孝千秋炳

羨里

防水湯湯牖里迷玉門演易此羈棲天王明聖孤臣罪猶自殿  
勤獻洛西

鄧禹杖策追光武處

彩鳳由來愛羽儀良禽亦自擇巢枝書生杖策成王業想見風  
雲會合時

彰德控齊秦之地跨燕趙之都沃野千里為天下要古西河  
地也城西四十里有銅雀金虎冰井三臺竝峙銅雀乃曹操  
所築操臨終命施總帳使宮人歌吹帳中望吾西陵西陵操  
之葬地也十里草橋鋪二十五里封羅鎮出磁石有鼓山亦  
名滏山滏水出焉其水冬溫夏涼泉源奮湧若釜之揚湯故  
名卽山海經所謂滏水出神菌之山者也

讀書臺全集卷第三十

九

浙江書局刊

彰德卽事

此邦稱沃土文教賴前賢碑自前陵識徐陵使陳歸有問北朝人物者陵曰惟韓陵一  
片石耳乃溫子昇所作碑文也臺從魏武傳花鈿沈廢殿玳瑁委寒煙玳瑁樓石虎建  
天籟泠然發如彈綠綺絃郡有天琴亭

銅雀臺

銅雀蒼涼薛荔垂漳河猶自水淪漪英雄氣短施疑塚兒女情  
長設纒帷鑿殿秋風迷鳳輦玉階春草泣蛾眉西陵歌吹空遺  
令惟見牛羊度隴遲

磁州過去十餘里夾岸皆楊柳道左荷池稻塍間之香風襲  
襲冬月過此聞土人稱述猶有餘慕四十里中鋪十入北直界里卽卽古趙國北門有叢臺遺址趙王如意溫明殿在焉  
關內有藺相如回車處二十里呂仙祠設盧生像正黃梁夢

熟時也十五里

除夕漫賦

處處桃符換方知是歲除關山萬里外燈火獨愁予

元日旅寓

天涯同客指名場何必離思說異鄉  
得得驢蹏前路遠蕭蕭劍影暮雲涼  
纔辭家累肝腸淨又數春風歲月忙  
今日屠蘇應有異牀分上下倒壺觴

又

年年此日北堂遊獻罷椒花自勸酬  
那識驅車當獲鹿不遑放鶴共扶鳩  
太行蜿蜒晴光繞瀛海蒼茫霽色浮  
遙憶仙湖春景麗銀幡彩勝自悠悠

邯鄲懷古

讀書全集卷第三十

十

浙江書局刊

邯鄲古趙國驛路近幽燕歌舞叢臺廢  
溫明遺殿懸才人挾瑟去公子合符旋  
座上多珠履何如魯仲連

又卽景

黃梁舊邸駐征軺好夢從心乞一宵  
銅鼓忽迎神女笑竹枝高唱雪兒妖  
籠頭夜月燈花滿人面春桃繡帶招  
闌裏不知誰是客南雲回望憶漁樵

藺相如同車處

爲國回車避路歧深心未許舍人知  
一言足令將軍死千古交情青史垂

呂僊洞

僊人控鶴昔曾經何事丹青塑殿庭  
塵世盧生能有幾黃梁炊盡總難醒

臨洛過冉伯牛墓沙河十五里沙地三十里依山憑險四方之  
衝城外有豫讓橋十五里公孫杵臼程嬰藏孤處十五里

### 冉伯牛墓

賢哲誰能免斯人墓道過叢蘭與芣苢終不萎山阿昔人以叢蘭比顏子

芣苢比伯牛

### 月下經沙河

月色將升路尙賒村墟歷盡幾人家冥濛煙樹渾難辨一帶河  
聲走白沙

### 豫讓橋

義士思酬國士恩橋邊突出馬狂奔解衣三躍真知已地下猶  
懷襄子言

### 嬰臼藏孤處

讀書臺全集卷第三

十一

浙江書局刊

獵獵英風草木寒立孤死節兩賢安同心幸有韓司馬左右忠

貞力更難

涼隱店二十里郭巨墓耐五里本漢中丘地有馮唐故里

在墓河沙程子華苓塞鄉子華名本孔子友五里張耳陳餘練兵處

十里田氏紫荆里十五里尹村三漢鄆縣地光武卽位於此

### 馮唐故里有感

玉輦過郎署一言契合奇拊髀思將帥持節出胥靡苔蘚緣簪  
井牛羊下舊陂馮公能薦士白首未爲遲

### 苓塞鄉

野外初傾蓋俄聞贈帛行長歌懷蔓草因見古人情

### 張陳練兵處

秣馬思重戰擐旗復合圍何如廝養卒獨馭武臣歸

過田氏紫荆里

田家有荆樹條枯復條榮榮枯問何術友于感菁英人生七尺軀所重在倫紀父母天地心賢愚無異視兄弟苟相戕親愛何時已雍容鮮閒言歡逾酌酒醴友朋與夫婦可合亦可離不如我伯仲少長恆肩隨所以古君子黽勉事友恭采藥亦可去食薇亦可從何爲一尺布斗粟不相容

鄞縣漢光武卽位處

自是唐兒杜牧詩光武紹高祖本系出唐兒唐姬子也後何煩赤帝符風雲開紫極河嶽拱皇都振旅軍威盛投戈文教敷中興諸將帥攀附一時趨

柏鄉野五里王莽城十五里遊柏林寺觀吳道子畫水至今州

人善畫水是其遺耳六里荆家院李左車故里城二十里

讀書臺全集卷第三

三

浙江書局刊

水河三十里古鮮虞國而滹水背恆山左瀛海右太行當燕趙之衝雄於河朔

吳道子畫水

妙手吳生獨擅場柏林古壁畫滄浪潺湲水勢疑崩屋足盡嘉陵一日長

李左車故里

左車籌畫素多奇解縛反爲敵國師堪惜成安無遠略空餘泚水遶山陲

眞定登陽和樓

閒關萬里一羊裘纜上陽和寒漸收日抱滹沱樓影直雲開恆嶽樹光浮長途渺渺逾殘臘短劍蕭蕭歎蒯緱欲訪山中劉白墮兼賒明月慰離憂

眞定有趙雲故里十五里伏城驛三十里卽漢新市有麥飯伏義墓十五里新樂縣

亭十三里黃石公修道處二里杜太后故里五里明月店十里紀信城三十里定漢中山郡

趙子龍故里

偶憩順平里雲封順平侯重思遇敵時一身都是膽遂立漢中基

伏羲墓

古樹槎枿立奇峰虎豹蹲卦臺今已圯惟有墓門存

麥飯亭

天遣河冰合君臣得脫歸抱薪炊麥飯對竈燎戎衣大樹聲名

異雲臺事業稀臨風懷將相端不尙輕肥

黃石公祠

子房報國匿塵埃忍死吞聲天地哀博望沙中力士去穀城祠

讀臺文集卷第三

三

下石公來

浙江書局刊

宋杜太后故里

高曹自是女中英母範先傳杜后名夾馬營中香氣繞濯龍端

坐慶昇平

紀信城

孤城遙望自孱顏一死身名重泰山縱有韓彭百戰力不如誑

楚走秦關

定州文廟有雪浪石蘇東坡得之恆山刻銘于上三十里清風店三十里

里農堯始封於此北有堯山南有堯母池一作堯母鄉四十里

陽驛二十五里達饒店二十里保定府

雪浪石

石古瑩如雪峰奇細若濤襄陽具簪笏下拜敢辭勞

堯母池

立馬池邊望故村太行山色白雲屯赤龍已兆伊耆瑞鉤弋空沿堯母門

保定府隋清苑也三關重地博大爽塏十里溝洫橋四有左

伯桃墓三十里固城四十里高碑店過張桓侯故里村中至今多張

氏子孫又經祖村士雅故居也十里涿州漢涿縣地以涿水

故名亦曰涿鹿黃帝擒蚩尤處有樓桑村一作昭烈幼時所

居有晉亢陂華陽館陂卽燕所繪圖以獻秦皇者館卽太子

丹與樊於期置酒出美人奇馬處也北關外大石橋有鐵篙

乃王彥章古跡

左伯桃墓

殘碑剝落見孤墳羊左交情曠代聞羊角哀卽伯桃併糧一死與衣使之適楚者

讀書臺集卷第三十

齒

浙江書局刊

川文十

一生真不愧後人猶作絕交文

張桓侯故里

虎將如君早建麾我來桑梓起追思風雲自幸逢先主勳業終難免健兒涿水人煙依故里蜀人伏臘走行祠英雄未雪東吳

恥惆悵斜陽奠酒卮

祖村

挈家竟去范陽城欲靖中原擊楫行翼戴已無劉越石何人堪與共雞鳴

樓桑村

道左樓桑今已枯少年竹馬此馳驅幢幢枝葉如車蓋得以粉榆舊日無

黃帝擒蚩尤處

揆文奮武昔兼修軒后猶聞營衛周豈俟占星傳素女自能掃  
霧破蚩尤山前草木驚後鶴野外旌旗拂斗牛後世銷兵不樂  
戰反疑青史事多浮

華陽館

求得荆卿欲報秦華陽鐘鼓且紛陳綠楊影裏嘶良馬紅燭尊  
前出美人七首寒光搖日月歌聲慷慨動星辰夜闌忽聽鄰家  
笛壯士衝冠恨未申

王彥章鐵箒

涿鹿風清道上平鐵箒猶見石橋橫一生節烈無人識此事翻

留身後名

彥章嘗云豹死  
留皮人死留名

涿州

四十里堽城河三十里良鄉  
縣二十里新店十里盧溝橋

橋建於金明昌初壯麗甲

南北盧溝本桑乾河亦曰渾河又曰小黃河居京師八景之

讀書臺全集卷第三十

五

浙江書局刊

一三十里抵義彰門萬里之行始得稅駕喜可知也

盧溝橋

禁城初啟曉蒼蒼回首滇南路渺茫其道 皇都春色早盧溝  
橋上月如霜

蔡璜錄

河陽趙士麟玉峰父著

受業聶珺輯

男宸黼編

卷三十一

北征詩七十六首

至都城

乍入繁華地慰勞日已晞驅車丞相過响道王孫歸劍影餘行  
色雪花砌客屐好遊輕萬里呼枕脫征衣

甲辰聽榜夜集

畫角高樓午夜涼蕊珠今夜榜頭香龍方聽雨飛春水鳥亦銜  
花出上陽冰鑑不愁紅勒帛筆鋒剛敵綠沈槍夢中猶下牛衣

讀書堂全集卷三十一

一

浙江書局刊

泣從入騷壇憤斷腸

榜後書懷

名場浪說獻雄文拔跡塵塗忽躡雲鉞譜粗知新刺繡硯田猶  
憶舊耕耜纜離劫火同千佛豈望營門壓一軍回想十年風雨  
夜酸心收拾嫁時裙

闕謝

初學鴛行步 帝衢書生亦自解山呼語新未必俱如陸字獻  
伊誰獨喚模但見拜稽眞踴躍不妨禮教略糊塗仰瞻私幸  
天顏近戰慄靡遑到日晡

痛兩大入

豐年長稻梁荒崖挺松柏人生良有然窮達安所適 國家開  
入紘取士慎選擇麟也與計借上書不見別溫飽匪思存反憶

前度屣釋褐荷 君恩敢忘庭訓力 叶 邈往多酸辛淚下血凝  
碧嗟嗟親逝早徘徊念明發

憶昔寇氛擾賦役苦敲扑比戶無完膚貧富罹荼毒我躬受其  
慘父子牽衣哭惟望一青衿可以免恥辱名成不見聞悲風起  
庭木所以貴速存雞豚亦已足緬想三字教言為古今鵠服官  
與臨民敬守罔敢敦

謁巢先生 本房師名震林字兼山武進人壬辰乙未兩次進士官禮部儀制司郎中

富貴固不論知己足千秋夫子人倫師祝天旁皇求惟其胸無  
私是以有窮搜惟其瞳有神是以能拔尤謂我小子才乃可壓  
羣謀品題國士名扶掖天路游穀城山之石慈腸翼封留太乙  
星之精青光照孤劉人情喜喧熱為我開新眸其言文字達天  
不負名流我時正酸心長缺對黔婁豈解榜頭樂反憶前度愁

讀書堂集卷第三十一

二

浙江書局刊

家貧饑欲死肘露渾忘羞何當破天荒登階備薪樵感念劬勞

恩積重齊山丘何以報夫子忠孝為先疇

謁程先生 名良惺孝感人以鄉薦署教蒲圻辛丑分試滇闈本房師是春同捷

市駿燕臺屬大名豈期立雪到蓬瀛春深楊柳欽穿札 御宴  
櫻桃愧舉觥不敢託言同進士祇今仍拜舊先生龍門千丈憑  
誰引謾說雷轟出地聲

同門公謁巢先生

暗索前茅古戰場相將游夏盡登堂築金臺畔誇龍種立雪班  
中綴雁行五色日光今在裏一莊秋穫敢拋荒指南心印無多  
語公爾忘私福萬邦

謁座師高陽李先生

鄒魯千年後宗風在大儒生應來岱嶽學亦比壇洙居里高辛

近才名元凱符百川身是障一柱手能扶研露刑詩什濡毫勒  
典謨元言霏玉屑朗鑑濯冰壺藜火經分向蓮花燭引蘇登堂  
聞古道入座識前模侍寢初當雪傳衣既有珠陶鎔皆世傑誦  
法盡吾徒小草供葑采凡毛託駿圖指南知路徑望北拜星樞  
躡履沙隄闊籠紗骨法殊爲霖當黑髮歡共赤蒼呼

金魚池同門公宴

不願封侯願識荆一朝聯轡曲江行匪躬王事須同力如水臣  
心莫異盟伯仲之閒伊呂事晦明此日弟兄情由來聚散應無  
定神聽高歌伐木聲

懷家慈

猶記承歡在宅居膝前從未暫離裾非干微祿關山阻爲逐浮  
名定省疏日午遙思陳菽水冬寒孰代進衣衾難堪堂上如霜

薑臺全集卷第三十一

三

浙江書局刊

鬢望斷天涯一紙書

食蘋果

太行疑是白雲鄉遙望天南數斷腸燕市競誇蘋果美可能一  
奉到萱堂

有懷

昔泣牛衣今作遊櫻桃宴罷客神州雞鳴五夜清輝冷雁杳三  
春靜好悠豈解榜花予我樂惟思家累代伊愁北堂欲共承甘  
旨計日燕山夏復秋

作書

辛苦名成又別離平安兩字一鴻知淒涼萬狀俱塗抹惟恐開  
函淚溼絲

憶兩女暨姪

生女未生男遲速重鞠育不惜乳哺苦而乃念骨肉有姪亦可  
教有女亦可復彈指呱呱時於今歲月速曉笑俱破顏扳花每  
旁觸初索己得長愛護卽如玉去年次始生懷保如抱璞我來  
正襁褓尙未學匍匐我歸一身輕勝茲萬事足蝸角與蠅頭逐  
逐離毛屬庭柯發枝葉萱容亦膏沐我囊爲客空不屑因寒燠  
我裘因酒解不屑呼醴粥高情謝短長達理遺榮辱莫得一堂  
歡是日君子穀

長安旅興

頻酌郎中幾許觴客來何用語滄桑寒侵旅舍鑪爲簞金盡長  
安墨作倉黃酒問梅除俗障煮茗消雪滌詩腸華陰寶氣隨分  
合莫訝逢場日醉狂

寫懷

讀書全集卷第三十一

四

浙江書局刊

肯將捷足驚時人萬里風雲一幻身色戰虎皮原是假名成蝸  
角幾能眞恥同司馬誇雄賦敢擬阿衡講澤民今日竹林無白  
眼解裘典酒不如貧

別虞虞山

名世纓昆明人  
官光祿寺署丞

其是天涯羈旅人如何別處頓成賓羨君有志能謀國幸我無  
官得慰親羅藏園林菊色老長安城闕柳隄新悠悠客路誰知  
已劍影常橫去國身

出都

炎飈正灼出京畿撲面風塵點素衣馬帶夕陽穿樹影鳥過  
平野傍雲飛客懷乍喜繁華遠驛路翻憐景物非遙望天南千  
萬里尊羹已熟候人歸

謁殷三仁祠

爲拜明禋一駐軫松風萬里助悲號少師心血君何忍貴戚家庭臣獨勞國破山川留俎豆神來雷雨擁衣袍瞻依遺像徘徊久南去奚堪淇水滔

比干墓

朝歌尋葬地憑弔一淒然赤血留青史悲風蕩黯煙忠匡生不悟國破碑仍傳精魄依荒冢鳴鴉日暮旋

渡黃河

橫流浩蕩叩舷歌京邸歸人今渡河北望雲山燕趙遠南來舟楫楚吳多千尋惡浪疑龍度一葉輕舸共鳥過自是家中從未覩寄書猶道慎風波

渡洞庭

一片風帆去不還瀟湘縹緲白雲閒波漂旭日曠曠出浪蹴南

讀書臺金卷第三十一

五

浙江書局刊

川文

天浩浩環一部離騷沈楚水數行螺髻隱君山寄言莫爲浮名逐此日風波客路難

夏歸再渡洞庭

朝發岳陽泛洞庭平湖六月又南征舫頭風雨時蕭颯澤國蛟龍半隱明爲弔湘娥多古意況懷屈子倍離情蒼茫四望渾無際薄暮孤舟晚氣橫

南還黃鶴樓被火

客歲登臨欲覓仙無端劫火忽燎然樓憑翠嶂阿房焰檻對晴川祆廟延黃鶴遠翔蒼靄外白雲還鎖碧峰前可憐興廢茫無定獨有江流不記年

舟次常德閩笛

敲枕木蘭傍碧灣愁猿孤月兩潛潛誰家吹笛西窗下一夜梅

花落德山

沅河

淺水嶒峻深水平危難直下布帆輕背人斷岸旋如馬脊過青山不記名

中山閣

高閣凌空拱翠巒飛虹橫互晚江寒醉踞靈隱參差石驚渡瞿塘險惡灘纔放眼知山月曉寂無聲聽松風搏浮名是處相關少煮得胡麻點雪餐

登張三丰禮斗亭

元亭碧落舊朝天四顧蒼蒼步自巔猿狖遶山供野果蛟龍鑿石獻新泉朱書祕笈留仙篆玉液中宮鍊大鉛箇裏可能留俗駕獨容眠鹿近階堦

讀臺全集卷第三十一

六

浙江書局刊

拜繼慈萬太夫人

釋褐初歸秋氣森抵家不覺淚霑襟父埋地下音難聞母坐堂中感倍深玉筍風高絲竹靜金蓮香靄友朋臨徘徊三徑仍如昔椿謝萱彫痛我心

謁先祠

入門謁先祠脍蟹恍可格鼓鐘設兩階尊俎閒束帛再拜肅明禋寸心慘不憚憶昔貧賤時父茶祖亦庀憂患萃一身官胥驚魂魄當此黃金榜劬勞慰朝夕不然列青衿父子免於役所嗟致身遲九原音久隔縱然陳五鼎漠漠終何益觀者塞道旁門庭來賀客共稱忠厚家早宜通仕籍天地有盈虛人事多困逆側聞父老言悚惶但歎息華燭耀采恩悲風起庭柏

馮再來太守邀遊西畧次劉文季太史韻

小橋崎曲水重重遶樹春流出岸溶我性迂疏同野鷺羣公賡  
唱盡雕龍酣來索笑非關酒興到登山不借筠瓊骨珊珊時一  
浴澄潭未許白雲封

又

屏卻籃輿徑度蹊閒行絕勝紫駟蹏借來童冠分蘭濯到處壺  
觴信手提野樹周遭藏倦鳥微波蕩漾動靈犀永和三月人爭  
樂一路茵花踐作泥

登山

小試登山不用扶置身高處暮雲孤層層更盡江天色數點漁  
舟萬頃蘆

華藏寺

盤迴折入翠微邊古木蒼則蔽遠天展齒踏殘三徑艸杖頭劃  
破一溪煙山閒黃葉兼紅葉寺外青泉雜白泉怪道老僧遲出  
定高峰獨峙已多年

又

尋幽緣麓近一徑已窮巔人引龍華藏雲流鴻跡天禹經分黑  
水羲畫賸青田長日山光靜依然晉魏前

題畫

何代蒼松樹移來種此閒看君成古屋引我到深山遠瀑飛千  
尺空林碧一灣眼前眞宰相世俗盡能刪

授貴州平遠府司理

朝廷設李官所以肅綱紀州邑仰清標士民資化理錢穀非所  
司爰書審所是平遠卽水西荒陋不足齒其地屬安坤叛服非  
可倚巖業萬山中箐林僅容趾虺蛇盤大道虎豹踞其裏 國

朝置版圖設流使之治四郡相勾連安知文物美憫茲化外民  
刑罰非所聽

其二

格頑不貴猛化遠務用寬招徠與安撫一一仰上官習俗多尙  
勇急則挺戈鉅柔之以稼穡條教無煩言起科乃定賦定賦先  
大田奉法存寬恤人乃樂腰鎌疇昔荆榛道開通見人煙文教  
尙有待庶可慰饑寒部議裁此缺予將脂車旋苗民雖龐雜臨  
發共追攀

四十初度改授直隸保定府容城縣小春東裝北上

戊申

聖代吏官制承恩宰近都留棠辭五馬攜鶴待雙鳧聲教通  
荒服侏儻入版圖幸逢新定後撫輯庶能蘇

其二

讀書臺金卷第三十一

八

浙江書局刊

×川文

正值年強仕銓除得暫閒長途經楚豫薄宦別家山莫訝懸魚  
往自應載石還小春將北上攀聽愧諸蠻

赴容城任

己酉

單騎歷鳥道捧檄之容城民貧在在有寇盜慮充盈此地圈屯  
久比戶雜旗丁旗丁勿侵奪相安自息爭沉復逃禁嚴各各勉  
親朋叮嚀哀矜意豈我全功名府帖頻頻下吏胥雜公庭此輩  
眞饕餮嚼民類長鯨正供尙無措何暇事逢迎縣令雖卑秩掣  
肘勢難行

其二

夙昔伏膺下探討切痾瘼豈爲民父母忍覩饑與寒上書籲郡  
守言詞多悲酸幸蒙遴管見吏不擾縣官巡行勸農桑買犢耕  
瘠田講武團鄉勇馳驅戎行閒響馬恣劫掠親擒渠魁旋撫疏

旨優敘解黨歸閭闔立法貴有漸愛民先使安但得務本業  
奚憚心力艱

其三

金容賴前賢習尙未云偷理學始文靖遺教至今流忠懇何嶽  
嶽氣節互千秋我來泣茲土俎豆次第修簿書有餘畧長率多  
士遊字民以訓俗廡仕非所求彫敝復如茲敢不盡綢繆屯丁  
知守法兵民共撫柔蒼天念荒瘠禾黍亦百收上慙倪內史下  
愧陽道州

吳逆叛哭母憶家

皇朝大一統四海慶安瀾吳瀆首倡亂稱兵起黔滇負恩忌  
裂土羽書達中原閩粵相伺隙大爲生民患叶三方秉廟算  
謀略出萬全車徒旣整暇將士復糾桓以此敵王愾疾如捲  
籜然所過皆歌舞開關導之前民心卽天意殄滅不必言

其二

殄滅不旋踵烽火震里閭婺母髮早白何處謀藏軀有弟年幼  
小曾未出庭隅賦稅必加額徭役定百須富民尙困苦貧民能  
無虞軫念及君親執爰願前驅乃爲民社阻無由效區區思  
假黃鵠翼一訊撫仙湖

贈楊湛子

燕昭輕千金難得惟驩騶豈有天驥足而乃逐羸犖久抱濟世  
略高騫度神州名經原宿注仙路又前遊憶昔見君兄學道性  
所優昨者識君面琳瑯照雙眸比復聞妙論時賢罕與儔兄弟  
若如此前人樂箕裘杜老人倫師衣傳珠可求太乙星之精清  
光照孤劉谷城山之石慈腸教封留如我作俗吏風塵老馬牛

美人對明鏡韶華惜暗流志士亦復然努力不肖休甯曰拾青  
紫吾道在千秋

容城署中喜宸兒生

燈花燦爛報黃昏鈴閣賓朋笑語喧朗朗呱呱聲差足聽英英頭  
角洵堪捫家傳耕讀欣相繼世紹箕裘漸可繁遙憶慈幃思遠  
大收藏書籍待蘭孫

秋闈送楊蕃升

金天攬轡駸駸咫尺宸居接桂林先趁秋風橫鶚翮因乘春  
雨聽龍吟重圍雄帥應能破前路眞仙不更尋幾度登堂曾問  
字蒼黎早已望爲霖

送李介蕃

隼鶴搏羊角颯颯凌霜天驍騮騁絕足飄飄刷秋煙吾子逸世

讀書全集卷第三十一

十

浙江書局刊

才英聲聳孤鶩筆陣噴江河高談驚四筵時發登山興因之探  
窮淵振流出餘力遺我雲霞篇而兄眞北海君也其青蓮子來  
官此土日夕竝肘肩彎弓更賭酒飲如吸巨川名場攬英物雙  
劍芙蓉鮮舉步直萬里昂首霄漢開桂闕行將曉叱看雲中篇

送梁平和

上谷多名士如君更拔尤幾年曾積雪一夜忽驚秋海嶠明蟾  
窟霜風翔帝州飄然今得意江曲有仙舟

送梁天一張扶九

酌爾金卮酒飄飄北上車三年欣一日五色動千葩自是稱珠  
貝眞能號渥洼勝場連二月御苑好看花

送單蠡縣之任金陵

輦下同驅策登仙此去車徐揚新府署鄒魯古名家簾捲鍾山

兩堂開江海霞四年驚聚散指顧聽宣麻

偶感

當年得意鳳樓過便擬登天挽絳河墮地泥塗非易度經霜鬢  
鬢欲全歸人傳召杜徒虛耳命不公卿奈樂何咫尺園林風景  
異閒來清放朗吟哦

其二

迂疏傲吏止虛餐不耐從時入世難就熱飛蛾驅火樹信天癡  
鳥立空灘醉看亭竹枝閒月曉望郎山雨後鬢四野煙銷衙鼓  
寂敢將清福等閒觀

其三

蕭瑟高天木落時一琴自理快予癡白壁到庭終是泣黃金布  
地亦徒饑月移寒影無塵思鼻引清芬有夢知四載嘯歌成底

薑臺全集卷第三十一

十一

浙江書局刊

スリ十

事醜顏雖好鬢如絲

對菊

灑落河山宕小城西窗瑟瑟坐飛觥九秋香霧花三徑萬堞清  
輝鶴一聲官向槐安總不較人如桑戶豈因名漢家若問相如  
賦猶有凌雲薦後生

贈杜紫峰

沫壇千百載宗風大儒續斯文特地昌先生能私淑大道在胸  
臆渾淪如抱璞俯首視塵寰茫茫浮海陸一洗世翳蒙忽焉得  
膏沐廓如雲漢清迥若太華矗下士開笑口不殊蠅聲噉會作  
上國賓軒然棄微祿愛護七尺腰於以脫籜觸似昔陶元亮清  
醪葛巾漉騁懷對知已生平庸畏福吾道日以永世道頽局促  
落落無凡情貌古心更樸披豁風堪吟珊珊骨爲玉不知南面

尊況乃黃金屋獨憐今之人眉端每蹙蹙先生浩然嘯矯立亦  
混俗放腳何所之城南渥水曲斷橋垂細鉤野堵尋新竹當其  
得意時搖筆噴溟瀆班揚如兒童機雲欲臣僕重瞻白虎通似  
錫青鏤束陶鎔皆世傑誦法盡儒服子乃培塿者厠身宰上谷  
登堂聞古道不覺豁心目大雅佩典型自愧攻堅木飄渺實難  
梯仰焉徒躑躅

容城八景

古城春意

煙樹蒼茫遠 春城霽色霏 堞墟遺壘峭 麥徑雜花飛 斷靄生西  
陽 歸鴻點夕暉 驅車遊賞再 此意會應稀

易水秋聲

天地疏秋色 雲流水亦東 遠沙明野渚 孤雁叫寒風 壯士看雄

臺臺叢卷第三十一

主

浙江書局刊

劍筑聲落斷虹蕭蕭無限意 今古爲誰恫

玉井甘泉

聞道玉泉寺 乘輿此舊遊 金鞍簇野甸 石磴挹寒澗 去指渥城  
樹 回瞻薊闕樓 至今題額處 尙有赤霞流

白溝曉渡

北路薊門古 秋空易水沈 晴沙帶宿莽 初日到平林 連馬登舟  
過 羣鷗坐石吟 碧流清見底 澹石灑吾心

賢冢迴瀾

極目蒼岑外 驚濤蕩里門 地因神物護 道以先生尊 元宋當時  
改 乾坤此墓存 共知精爽異 風雨暗高原

白塔鴉鳴

青天塔直上 皎皎覆霜花 常有聲呼鶴 怪無色變鴉 乾坤孤峙

老雲日映輝斜近郭晴遊處稜層望若遮

古篆搖風

鬢序文明地巋然隔代碑飄風隨樹過斷碣向人敲  
蘇剝瑤章古籀鐫鳥篆奇石鼈戴不去應有巨靈支

卓異行取陞文選司主政

甲寅

計吏翩翩集國門特除銓佐荷君恩治筭敢謂同虞詡  
啟事還應遜巨源冰鏡堂前拂曙入藤花署裏看風翻  
人才自古稱難得願與陳羣共品論

早朝

鷺序趨丹陛鵷班近紫微瑤階凝湛露玉卍下朝暉  
麗日籠花暖卿雲擁殿緋衣冠環豹罕步武逐龍旗  
烏影隨鞭靜香煙帶鶴飛

讀書全集卷第三十一

三

浙江書局刊

送滇督臺某公

世澤從龍舊家聲起鳳新碧幢屯虎豹丹閣畫麒麟  
嶽降能生甫星輝更肇申首登金馬署早踐玉螭宸  
柱後裘冠起階前綵筆伸朝紳方視楛荆楚屬宣巡  
北闕疇咨切南天瞻仰親氣吞雲夢澤手定竹谿津  
雨浥嵐煙靖風和宿霧溼恩膏霑六詔惠愛沛三春  
哀雁中宵羽飛鴻異地身勞來勤帝顧綏輯託仁人  
烽燧今方熄桑麻倍苦辛南雲一回首至德頌峨岷

賀衛某

玉壁城邊稱洗馬鳳凰臺畔喜遷鶯可知帝眷絲綸寵  
爲重人全武庫名帷幄雄才爭入鑿烽煙野戍看銷兵  
調元自是君家事好辦鹽梅佐玉羹

送李欲仙之蕪水任

鳳城楊柳黯驪歌惜別尊前奇興多儒吏十年纔製錦 王師  
此地問韜戈桑麻社裏迎春騎蝦菜江頭訪釣舸暇日政成吟  
白雪卽看太液下恩波

別天羽弟揚州關榷

頻年驚聚散千里歷江關飛飛丹旆去握手更留扳骨肉多勸  
勉叮嚀語仍潛榷筦非容易切須塵時艱度支通百貨司珍甘  
泉山任羶來怨謗伏弊且叢姦如處郇公庖誰信甘味刪如親  
太倉粟誰識饑餒辱吾弟匡濟才廉名在人寰茲擢襄邦計慮  
此恆改顏交訂黔蜀際游飢淮揚閒通商乃裕國出途軫痾瘵  
體察爲關意古大良可班掖梧爲爾待澄清卽早還

題房發公卷

異矣哉人知發公爲子孝爲弟悌爲儒醅子謂宜列於臣忠發  
公曰國恩不可諉親難不可委此人生再三之義而名教之所

讀臺卷第三十一

古

浙江書局刊

崇當其從容險阻周旋於萬死一生之際父哭亦哭父食亦食  
磊磊十五總角其童烈於碎首剖心而無其名勞於經文緯武  
而無其功張其膽可以排五嶽使卑伸其氣可以障萬壑使東  
吾不知君之所賦何性而天之直何豐殆萃二華之精三川之  
秀與日之菁月之華龍之威虎之彩電之色雷之聲畢集而爲  
一大躬岸然出爲儒者雄不愧世稱房發公嗟予撫臆仰其風

題李將軍卷

悲矣哉將軍殉節人所哀捐家四百心無灰皇天后土鑒君心  
君心突兀橫垓垓光比皎日聲轟雷隴雪洮雲屯殺氣猶然魂  
攻魄戰將天回食人之食死人之事豈不愛身曰子有義匪無  
妻孥遑恤其類嗟嗟帝降錫命爲生民浩氣昂藏動鬼神殉國

若云非烈士朝廷虛左待何人

平氏節孝

摧心烏哺事蘭渚淚何其有待丹綸轟先徵黃絹奇覩歸蛩咽  
處膝擁玉零時不信曹家閭真堪女作師

送行

觸景懷人易鍾情別友難笳聲愁裏聽月色醉中看樂道風波  
靜守愚夢寐安送行何所贈繒綵寄雲翰

讀書堂全集卷第三十一

五

浙江書局刊

1115

沈嵩士訂

河陽趙士麟玉峰父著

受業裴倅度輯

男宸黼編

卷三十二

金陵詩 六十八首

丁巳錄士南闈卽事十二章

皇華驅駱馬來登江表樓天風送輕帆夾道擁鳴騶舊都多冠蓋文物罕與儔每歎昔時哲恍慨有良謀懷哉日冲冲五色眩明眸期期如薛燭於以別純鈞

其二

涼月照層樓綺疏連雲架商秋日高肅華露纍纍亞清芬散座隅勝握蘭與爵上客盡曹劉詞人俱顏謝拄頰睠西影跋燭或

讀書叢卷第三十二

一

浙江書局刊

卜夜奇文共欣賞情味如啜蔗

其三

檐竹灑青霜蕭撼如懸瀑而況杪秋餘寒蛩聲益蹙清讌集高齋時以舒心目韻叶涌蕤賓山鳴應空谷星聚各萍踪椒蘭正馥郁披賞未云倦於以對叢菊

其四

少小富文史獻策連見收留者致清華別者苦淹留丙夜起三歎詎爲稻梁謀念茲爨下桐中郎恣冥搜海底多珊瑚無媒出中流余懷乃簡亢陶公坐高秋

其五

蔥蒨東南垂崇岡生嘉樹蔭可千畝餘良禽獨翔顧竹實伴霞

滄晨吸沆瀣露振吭試長鳴萬喙奔以赴之子蘊奇抱綵筆驚  
風雨翹翹賦弓招躡雲刷靈羽

其六

西江著節義黼黻以文章三楚富離騷白珩滅煜光躡躡來吳  
趨羽儀何喬皇南金雜大貝瑤琨間琳瑯身過五都市應接每  
不遑連茹拔其類攜以報 君王

其七

朝入石城闔夕飲建業水此地多豪華烏衣訪舊里秦淮夾岸  
樓笙歌時沸耳余本駘蕩人少好雕蟲技倣彼九方臯相馬收  
駮駢報 主在得賢庶幾哉星使

其八

紀涓雞若木眉蘇文湧泉火熟花生豔矢疾珠更圓昔人參妙

讀書金雀卷三十一

二

浙江書局刊

川文

諦今人未忘筌獨怪昌黎子所遇陸忠宣前擯後見收高論無  
異篇稔知非冬烘巨公何倒顛

其九

廉纖接朝昏予懷若瞑眩散步起徘徊戢身在鎖院翠篠館佳  
禽丹藥發深茜神明忽煥若燄燄飛流盼霧隱始成班鸞采寶  
光綯澄心按圖索恆恐蹈俗諺

其十

鰕鬚倒挂鈎河漢清且瀏桃笙偃卧餘莖露淘冰藕良儔其隱  
侯晰疑剖二酉聊以對醅醪賞心詎在酒嘉禾新穎拙或恐雜  
稂莠濟濟悉天家恩譽吾何有

其十一

曩足服鹽車柯亭隱良笛寶珠染沙塵其光益蕩激遠或千里

逢近則失面覩傾懷如渴饑獲才爲上績越師得名藥乃在業  
泝游仰以副闡門余衷恆惕惕

其十二

望望鍾山雲風煙正瀟灑已徂白帝秋殘炎尙餘夏更闌鼓蚊  
雷何緣錯杯芋幸隨大雅後知音詎患寡高館蕩清颺花竹秀  
而野嘯詠一酬之桂露月中瀉

金陵十景

鍾阜樓雲

鍾山不改六朝初一片晴雲此結廬如蓋如帷屯嶺際非煙非  
霧宿檐除泉聲滴瀝傳銅漏山頂有一人松影參差鎖石閣憶  
泉催容一斗昔彥倫曾卜築飛花尙倚碧窗虛周顒字彥倫隱  
於鍾山草堂

石城霽雪

讀臺全集卷第三十一

三

浙江書局刊

雪後拳簾望翠微山山寒色逗朝輝雲飄鶴羽峰頭落風散龍  
鱗樹杪飛江浦漁人牽艇出石城獵騎帶禽歸不煩驛使傳春  
信已覺梅花香繞扉

鳳臺秋月 杏花村

酒旗搖漾杏花村彩鳳高鸞臺尙存臺枕青山澗草台鳳歸丹  
穴寺雲屯秋風漸覺金庭爽皓月遙從碧海翻況有青蓮遺句  
在遊人乘興把碑捫

烏衣夕照

城中棨戟繞朱扉晉代風遙王謝稀棐几誰堪捉塵尾藁門猶  
自號烏衣樓臺樹色留殘照江岸潮聲繼夕暉徙倚不知日欲  
暮簾前乳燕故飛飛

秦淮簫鼓

曲院迴廊俯碧湍清歌日月擁羅紈花前羯鼓翔瑤鶴月下瓊  
簫集彩鸞弱柳已隨畫閣盡孤桐猶鎖石橋寒蘭舟桂楫今何  
處蘆荻蕭蕭只釣竿

長干煙雨

古刹巍峩倚舊都晴宜登眺雨宜圖檐聲浙瀝鐘聲斷樹影迷  
離塔影孤佑客凭欄懷遠道居民捲幔對平蕪長干一帶煙巒  
繞縱有霜毫未易摹

宏濟江流

孤嶼凌虛金碧開振衣干仞自雄哉雲連古樹陰藏日石漱驚  
濤怒激雷天塹至今橫鐵鎖江流依舊繞蒼苔香燈掩映花宮  
靜惟有鍾聲夜半來

靈谷春曉

龔臺全集卷二十二

四

浙江書局刊

山椒春望鬱差峩曙色初分巖鹿過寺產松杉傳萬籟水名功  
德起羣疴誌公杖履藏陵谷武帝旌旗下薜蘿忽聽琵琶花外  
響近甞  
巷街果然風韻勝雲和

天闕曉望

選勝登臨莫若茲朝來縱目幻靈奇雙峰對時開天闕大海濼  
洄奠地維遠遠招提雲外布鱗鱗城堞樹邊移祖堂一席欣相  
接想見巖花初獻時

清涼晚鐘

花宮路與石城鄰門掩香燈禪誦頻音送鏗鏘穿戶牖聲傳韞  
鞞度松筠大江澎湃天光接古道陰沈洞草新惟有暑風亭上  
月南唐李  
後王建晚涼曾見翠華巡

鍾阜山一名蔣山

秣陵王氣鍾茲阜稱第一羣峰四面來相讓如拱揖天塹阻大江城郭人煙密珍木鬱以蒼白雲屯其室建寺始蕭梁雕甍燦佛日招提七十所寒煙化虛白蔣侯有奇勳奕世祀不絕人生霄壤間及時樹功績

### 鳳凰臺

我聞鳳凰不世出通體文章絢五色鳳鳥從之千仞翔非梧不棲竹不食白也才名動天地出入承明不得意往往一飲累百觴長安市上時斲睡龜年奉詔促新詩立草三章寓諷刺開元天子昵玉環漁陽鞞鼓宮中沸始知李杜兩詩人一時忠愛固無二孤鳳原非鷺鳥儔放歸田里恣遨遊昇州山水甲天下登高賦詩常勾留我來建業訪逸迹鳳去臺存景蕭索而今世路少風波荆榛盡剝網罟絕鳳兮鳳兮盍來歸與爾徘徊醉江月

### 讀臺舊卷第二

五

浙江書局刊

### 白鷺洲

舊有賞心亭今廢

騎鯨人去已千秋江上猶傳白鷺洲渺渺煙波連雉堞蕭蕭蘆荻引漁舟灘邊鵝鴨鳴因晴放水面鷓鴣帶月浮欲覓賞心何處是惟餘潮汐至今流

### 龍江關

儀鳳城南設關權帆檣來往爭相逐檉楠杞梓盡良材千里乘流自楚蜀月夜江關繫客槎酒闌燈燼夢還家忽聞鄰舫琵琶響一片潮聲走白沙

### 三界寺

舊名龍翔寺與翠峰能仁鼎峙

三界中通三界寺開宗未審在何時風搖鈴鐸禪居靜香散幡幢客到遲梧竹清幽連梵唄松篁蒼翠映軍持遨遊二十六菴遍鳥語花香總不知

秦淮河

祖龍當壁作天子鳳輦東巡臨江記芒碭將興王氣昌鍾山空  
鑿長淮水淮水湯湯出石城梁陳以後煙波平畫橋楊柳藏嬌  
烏隔岸桃花映水明朱萸碧檻多佳麗綽約風流態百媚樓上  
簫聲逐鳳凰帳中燈影眠翡翠曉窗睡起怯無力環珮珊珊時  
獨立結綺臨春不足多一顧傾城再傾國多士觀光集曲廊高  
秋八月槐花黃未攀玉殿叢叢桂先染珠幃馥馥香轉盼居諸  
去如電彩雲不逐西風散河房櫺比盛當年華燭銀箏夜達旦  
奉 詔掄才江左過南金東箭成網羅敢爲私門植桃李欲儲  
楨榦盡鳴珂乘風鼓棹遊青溪在青淮側明月依然照舊帷至今鴛  
鴦七十二偏向秦淮日夕飛

報恩塔

護臺金卷第三

六

浙江書局刊

古塔巍峩倚寺巔開基猶記赤烏年光搖樓閣雲中現影伴蛟  
龍水底眠羈客徵歌銷歲月遊人買醉罄金錢有時風起銀鋪  
響疑是鈞天奏管絃

棲霞寺

原名攝山有千佛嶺

攝山江左勝建寺倚層霞草細多靈藥峰高演法華蜩聲啼古  
木雁影集平沙千佛鬚眉異檐牙自落花

雨花臺

一瓢東渡講堂開細草如茵點綠苔共指生公說法處曾逢天  
女散花來江光吞吐旃檀寺山色拖斜鐘鼓臺欲訪徽音成往  
事時尋杖履到蒿萊

憑虛閣

在雞鳴山

懸崖置高閣結撰在空際星辰手可捫煙雲生衣袂千廟固透

迤四陵自蒼翠凭欄見浮鷗隱隱隔城市昔者雷次宗傳經擁  
鼻比江左多英才一一經指示腹笥洵便便何假百城貴哉哉  
雞鳴山高名永不墜

清涼寺

內有胭脂井

石頭城內清涼寺一徑排空入翠微嶺上松篁迷客屨亭邊風  
露溼人衣鐘聲縹緲禪房靜草色芊綿輦道稀千古猶傳陳後  
主胭脂井冷碧梧飛

後湖

一名元武湖

金陵六代都宮闕委丘墟不見朱雀航但見元武湖湖中何所  
有沿堤植花柳緬想元嘉初黑龍現高阜昆明習水軍旌麾來  
刁斗其後盡長葑綿互輒成畝勝園一疏之置册命官守民數  
聖人重況爲天下主所以漢入關圖籍居其首鳧鷖翔空中煙

驀堂雀卷第三十二

七

浙江書局刊

光蕩林藪城郭多變更漣漪仍如舊空念撫仙湖香風雜蓮藕

牛首山

一名天關山有含虛閣

雙闕峙中天峻嶒白下傳獻花時有鹿薙草暗通泉玉斧東西  
判瑤峰日月懸含虛遺閣在松檜勝調絃

秣陵市千里不數黃金價何爲墮塵網俗替如昏夜尋幽命小  
輦迢遞山之亞初躡白雲梯衲子來相迓奮步聳含虛於茲氣  
益霸銀榜削壁垂丹閣飛崖架置身東西峰遠睇如二華灑酒  
一酌之萬慮俱如卸

牛山仲冬月氣候如秋早遙望但蔥蒨漸近山更好杉檜雜層  
巒翠色淨如澡支公駐錫處盤盤盡曲道佛窟遡齊梁院目聚  
多竇松濤擁風雷歎息眞奇造鍾山屹峩峩大江流浩浩舒嘯  
時凭欄意思得高老

獻花崖 有芙蓉閣小星樓

古刹精藍播十方南宗從此啟津梁  
千峰積雪開初地百鳥銜花獻  
祖堂鐘鼓樓前時布席芙蓉閣內  
謾焚香浮槎泛泛孰爲岸誰似巖  
樓近鴿王

獅子山 近紫竹林

曲徑盤空上臨高縱目奇石城原踞  
虎繡嶺復蹲獅山靜泉聲沸江清  
帆影遲鄰居繞紫竹岸幘坐移時

赤石磯

路與南門接陂陀倚碧空面濠臨  
赤石背郭鎖青楓茅屋參差現漁  
舟上下通榴花爭吐豔分照客顏  
紅

謝公墩

地自因人重千秋屬謝公賭棋懷  
雅度挾妓企雄風山色青無際江  
聲流不窮夜來松淅瀝疑是理絲  
桐

莫愁湖

章臺疇昔有名妹小字爭傳姓是  
盧珮影珊珊迷舊浦歌聲噤噤繞  
澄湖隄邊弱柳留眉黛江上行雲  
作畫圖豈似後庭女學士空隨玉  
樹委平蕪

桃葉渡 近邀笛步

滄桑每見昔時移獨有芳名千古  
垂楊柳條條憐弱態桃花片片露  
嬌姿石橋暗闢春江路畫艇輕浮  
秋水湄咫尺便過邀笛步清歌應  
不讓桓伊

杏花村

杏花深處酒旗懸短笛鳴鳴牛背  
傳露濯瓊枝疑是繡月臨芳榭  
忽驚燃曲江搖曳歌筵盛泗水  
低徊講席妍那識此間殊闌

漫多情紫燕復翩颺

長千行

長千相望復相通，估客多傳鄉里同。  
庭畔芝蘭懷太傅，街頭雞犬識新豐。  
樓臺鐘鼓連丹闕，羅綺笙歌裊碧空。  
春日城闈遊騎盛，鞦韆蕩漾畫橋東。

燕子磯

差池燕羽江心伏，千里奔濤潛一束。  
蛟龍日夜與之爭，轟雷噴雪搖坤軸。  
上有磴道積于盤，撥雲披霧登其巔。  
三面臨江閒縱目，孤亭突兀松風寒。  
松風亭側通宏濟，絲竹悠揚半空墜。  
有時靈奇格龜鼉，親詣法筵聽妙偈。  
艤舟登麓天風浩，倚仰興衰感懷抱。  
海門東注銀浪迴，下上帆飛疾如鳥。  
聖世何嘗盡恃險，以德綏之從風偃。  
長江席捲雖足憑，天意非爲南北限。  
石頭城燕

望臺全集卷第三十一

九

浙江書局刊

子磯龍蟠虎踞是耶非，誰言鐵鎖千重練已見樓船百道飛。

茅山

聞道金庭可結廬，龍嵒盤鬱勢凌虛。  
山名句曲原仙境，地是華陽舊隱居。  
丹嶂儘堪供杖履，白雲長自守門閭。  
誅茅除草尋常事，讀盡琅函萬卷書。

金山 四首

名勝眞稱第一區，琳宮相近六朝都。  
險憑天塹分淮泗，雄視坤輿抱楚吳。  
欲訪蕭樓摧落葉，惟存郭墓繞平蕪。  
臨高已覺雲生袂，身在江天一畫圖。

雄跨東南載酒探，秋風蕭瑟度江潭。  
蒼龍出水來聽偈，白鹿銜花學放參。  
估舶揚帆經北固，騷人題句滿精藍。  
慙無玉帶堪留鎮，願讓坡公作美談。

終朝登陟竟勞勞欲去仍留爲妙高浮玉玲瓏得月近鋤金結  
構逼江牢心胸開豁吐雲夢梵吹悠揚壓海濤短堞參差連舊  
徑有時香刹建旌旄

晴日徘徊四望開長江天限鬱崔巍金鼇永奠帆檣接玉斧中  
分南北迴渺渺鐘聲穿岸出飛飛雁影帶潮來留雲臺畔煙波  
靜獨立蒼茫句自裁

中冷泉

中冷卽在大江邊過客爭嘗第一泉不似金沙穿曲澗勝於玉  
乳伏重泉鼃鼃暗徒波心靜星斗光連水底懸豈獨贊皇能辨  
此巖舟踞石試龍團

焦山

高秋結伴此登臨想見徵君風雪心鳳詔不來垂薛荔蝸廬猶

望臺集卷第三十二

十

浙江書局刊

三三三

在枕江潯千秋紅樹藏冠履一帶青山自古今我欲手摹瘞鶴  
字夜涼明月曉潮侵

北固山

長江浩浩鎮方輿武帝巡遊駐綵旗半壁金湯資北固六朝鎮  
鑰在南徐千秋橋畔風煙冷萬歲樓前草木疏獨有此山秦未  
鑿巍巍京峴自難如

甘露寺

疇昔潤州甘露降招提初建遂名茲慈雲普被香蓮界化雨旁  
流祇樹枝石已成羊甯待叱樓將棲鶴只宜詩蕭梁事業今何  
在門額猶題天監時

瓊花臺

隋苑曾傳鳳輦來蕃釐觀親見一枝栽三千羅綺嬌姿妬十六

嬾嬌笑靨開露浥香心環錦砌月籠翠蓋護仙臺瓊花豈是人  
間有莫作唐昌觀名玉蕊猜

平山堂

二首

占盡隋都第一隅登臨愛與酒人俱潮聲碎湃成今古山色空  
濛似有無九曲地存絃管冷七峰城近月輪孤風流杜牧今難  
再詩句猶傳舊酒壚

舟車日日此經過眞賞樓前題詠多胥浦不殊吳苑地蜀岡宛  
似錦江坡瓊花夢冷來歌吹芍藥香濃炫綺羅憶昔廬陵賓從  
盛滿堂絲竹勝雲和

迷樓

凌雲概日

見徐陵賦

倚江天創建遙聞大業年五步有樓十步閣貌  
疑神女態疑仙舟維絲纜花間渡歌奏清宵馬上傳飛燕似知

讀書集卷第二十二

七

浙江書局刊

垂鑑意

後改鑑樓

呢喃舊址啄寒煙

文選樓

文選樓居郡治東高齋學士校讐工雖非經國千秋業足挽頽  
波六代風芍藥可方體製麗海潮絕似藻思雄珠簾畫棟都零  
落卷帙還收鄴架中

月波樓

湯湯淮水自漣漪俯瞰煙波月上遲光吐蟾宮波盡沸氣蒸蛟  
室月頻移東瞻古刹捫書碣西望仙山憶鉢池醉後登樓懷一  
飯高風千載讓蛾眉

露筋祠

碧草萋萋一野墳襄陽碑記見遺文芳心自矢羞虜面玉骨猶  
馨任露筋廟外短垣榮薛荔祠中古木鎖煙雲隔江幸有浣紗

女彤管流輝淮海聞

泰山二首

明堂天子事升燔五嶽羣推泰岱尊河漢鍾靈來玉女乾坤啟  
秀配天孫白雲膚寸封中起金簡蒼涼石畔存賸有秦碑千仞  
在竟無一字可堪捫

明月蓮花結搆新五株松樹俯嶙峋巨靈鑿險通三觀仙氣成  
闔走百神白鹿數羣迷洞草黃河幾曲抱城闈登臨便欲小天  
下長嘯安知漢與秦

孔林二首

泗水鍾靈萬世師攝衣再拜起人思遙瞻石馬嘶風夜轉億蒼  
麟吐玉時列代明禋環劍珮兩楹釋奠肅威儀當年弟子親封  
樹奇幹喬柯四面垂

讀臺全集卷第二十二

七

浙江書局刊

禮器衣冠尚可稽鬱葱佳氣此攀躋東連秦嶽朝宗遠西望防  
山霜露迷雲鎖長林無宿莽鳥巢別墅不聞呢 六龍巡幸親  
瞻仰百尺穹碑 灑翰題

孟廟二首

不睹堂堂壯安知氣象嚴衣冠藏洞壑風雨衛松杉六籍由茲  
振諸家盡可芟七篇懸日月遺草墓門函  
七國還轅日棲遲老此丘功非神禹下賢與子淵儔樵牧千秋  
禁丹青列代修欲知母教重遺像至今留

汪 灝錄

河陽趙士麟玉峰父著

受業徐文駒輯

男 宸黼編

卷三十三

武林詩 六十首

五十初度滇南尙阻

居諸易遷流幾載縻爵祿惴惴稟章程日事畫與諾臣心庶無  
滓臣門期羅雀服政富盛年知非已在昨故國紛干戈藉藉化  
猿鶴陟叱望高堂煙雲歎綿邈束帶日漸移含情臥空閣迢迢  
萬里遙鴻音竟寂寞

美利

蠶臺全集卷第三十三

一

浙江書局刊

天地有美利忝取待人為鎡基貴乘時倉箱地德遺釣水鮮可  
食采山晨可炊牛羊被原野鵝鴨滿溪池春蠶勤織作夜績佐  
綵絺猗頓不可學聊以免嘍饑田家有濁酒不用黃金卮神閒  
體亦適名利罔自疲五十徒羨此來者猶可追

內陸京堂奉懷萬太夫人 己未

居然卿貳列駕行 聖主恩深遭際良每轉官階思鞠養况逢

兵燹阻遐荒贊飈 鴻臚 宮殿慙無補出納 銀臺 絲綸自有

光六詔何時傳露布好隨白髮拜 封章

辛酉平滇得萬太夫人安報而子弟玉麟以索餉懼刑投

河死矣兼哭及之

昨日鏡歌奏 王師收昆明兵威如拉朽所過無堅城逆臣咸  
授首重見天下平引領望南鴻寸心日萬里詰旦宅門開迢遙

來介使長跪讀藏書喜極復垂涕喜者遭亂離高堂健如昔土  
下陂陀間曾不假扶掖涕者弟應門頻年困賦役無力謝橫征  
懼刑赴河伯鴟張乖天常背恩起荒僻妄思奮螳臂將以當  
車轍殄夷未蔽辜還爲萬姓哭吁嗟我蓮枝乘流歸長夜登高  
望白雲親舍在其下

贈馮再來公祖

雙節幽貞格 帝閭特生忠孝野王門昔時報國捐家族今日  
迎家報 國恩馬鬣旌書馨俎豆烏傷銜土感蘭蓀方知多難  
天心定扶植千秋大義存

又

十行詔下鳳凰禁越微新瞻赤捧臨五嶺三江雙柏府  
孤臣萬里一丹心班彪著論風時切溫嶠還朝畫計深此日宗

讀書臺卷二十三

二

浙江書局刊

親難內顧白雲回首涕霑襟

贈馮撫某公祖

萬里南邦坐鎮雄高擎天柱荷成功胸藏武庫韜鈴裕手散恩  
波雨露融暫借清威臨洱海早知懋績簡宸衷槐堂舊事看  
全美相業重光史冊中

送閩藩

專城千里冠諸侯檠戟分藩擁節遊三楚平刑看舊績八閩宣  
化擅新猷鯨鯢夜月波中靜桑柘秋原雨後稠自昔棠陰原牧  
伯竝聽循譽達 皇州

送糧道胡

楚國山川擁傳遊清風不愧長諸侯持籌早著麥藩績推轂新  
看憲府猷膏雨自傳君子澤耕桑還聽野人謳停車問俗郊原

外民隱時從藻鑑收

陞副憲

闕謝

癸亥

納言猶自慮非才忽佐中丞御史來繡服何堪稱柏府儒冠未  
足副蘭臺欣逢喜起超千古幸際雍熙徧九垓 聖朝正欲通

幽隱莫教都民避馬回

陞浙江巡撫

闕謝

甲子年五十有六

承 恩命撫浙東西旌節將行班馬嘶詣 闕惟憂難報稱辭  
朝況 諭撫烝黎臣心自矢清如水吏治行當照借犀十郡  
保釐原不易好將困苦爲民 題

其二

龍飛鳳舞古杭州兵解仙霞憶昨秋郊外貔貅應組練城中鴻  
雁動離愁河流阻滯舟難達民力艱難役未休欲慰 九重南

讀臺叢卷第三

三

浙江書局刊

顧慮從容入境盡綢繆

迎家慈萬太夫人至浙出郭恭迎志喜

乙丑

檐鵲連朝報好音萱闈早見挈家臨十年都付關山夢一夕差  
安兒女心 寵祿叨懸門外戟清風矢典室中琴高堂執手無  
他語惟道 君恩報欲深

其二

鶴髮翩翩萬里來起居八座母顏開河干屬吏迎征旆官閣家  
人獻壽杯自有江魚供几案卻抽庭筍出莓苔笙歌初沸凝眸  
望不見靈椿佩玉陪

兩侄孫一六歲一三歲家慈攜來浙中途病殤詩以哭之

子孫雖孩稚亦自負知覺棗栗散堂前引之佐歡譁辟若芝與  
蘭畦畦輝簾幙嗟汝同南來予未識頭角何爲委道途不得入

官閣永埋千金亭情懷似潘岳恐傷吾母心扇戶淚零落

吳大侄清病卒浙署

丙寅

清也幼而孤捫頂知魁傑與弟相扶將誦詩大母側江城花月  
辰團圍坐繞膝見汝不見耶聞樂變憂戚荊枯可重榮琴絕可  
再絕嗟嗟我同懷形離神永寂得汝嗣續之珍惜如拱璧吾欲  
玉汝成與兒同佔畢服食必汝先婚娶必汝急出入喜肩隨外  
人那能識二豎忽來侵參苓總無力大母慘不怡枯淚爲之滴  
黃泉見汝耶應歎不離逃此邦非汝居魂兮歸故國

武林草

康熙二十三年甲子撫浙時  
年五十有六二年調撫吳

吳山眺詠

六首

杭州昔都會吳山峙中城軍府倚山開公暇時一登夾道列松  
篁園林萃蔥菁層閣連疊嶂遠樹度流鶯縱步臨絕巘滄海何

望臺叢卷第三十二

四

浙江書局刊

冥冥右盼錢江流左瞰明湖清後峰千里來傍岫如黛呈名勝  
亦咫尺可望不可親何況三千里鬱鬱如神京

芳華盛三春照耀有輝光財雄矜五都意氣何飄颻此邦多生  
聚檐薈鱗次張衢巷飛冠蓋塵市炫琳瑯亦有貧窶子日夕謀  
稻粱勞勞不可得欲饜無糟糠闐闐且如此況乃窮遠鄉訟獄  
未衰息盜賊有行藏屬目生百感念此每徬徨

漢治重廉平主德乃下宣猛虎未云烈噬民惟貪殘激揚貴有  
道張弛理無偏顧瞻東西浙愧我非其賢撫綏慚無術冰檠志  
徒堅德教非腐論煦育近自然用愛如保赤去害同鷹鷂上不  
負明聖下或少顛連吏治如不飭無乃曠厥官

吾慕李鄴侯惠愛多所遺苦鹹不可食六井今歌思吾慕范文  
正刺杭有聲施宴遊與興作用意誰能知幼幾昔作守廉介自

操持去郡無一物囊惟樂天詩子瞻知郡日歲歎恆苦餓賑發  
長平粟立爲起瘡痍俯仰異今昔子宰得所師

防盜扃戶牖防火峻垣牆嗟此閭巷人編竹堊爲房倏忽失經  
慮延燒不可當婦子互奔竄我心爲憂惶水德理能勝濬河起  
橋梁復爲選壯士絙巨鉤用長救焚同救溺民得保無傷人事  
苟備至天心亦永康凭高此眺望入皆有清涼

天空不可度誰復能量地溟海闊與俱蒼茫渺無際歎澗明滅  
聞天地忽作勢驚雷砑雪獅瀆薄如開霽鼈門莫當關勢挾風  
霆至怪沫幻吐繁棘氣擣聲厲水與水相澡更與山吞噬採奇  
不可窮觀者咸備備去來準昏曉孰測造化意

湖心亭

四面淨無塵一亭誰所築波光變晴陰遊人忘寒煥雨急篙手  
亂風起浪花蹙此時亭獨立宛並雙峰矗川上至人歎滄浪孺  
子曲千古盡如斯萬象生觸目俯仰悅魚鳥喧聒厭絲竹山水  
多清音令人勞往復

放生池

昔賢修西湖首重放生池云以祝君王福壽與天齊忠愛出臣  
子感格理在茲受命爲撫臣竊慙無整施兵戈幸久靖尙復  
多瘡痍盛蹟猶未湔立此每移時同際堯舜世好生須共  
知

冷泉亭

幽絕靈隱寺奇矣飛來峰巘礙截連嶂突兀難爲工林高筇煙  
靄峭蒨間青蔥亭虛爲少憩氣象得從容炎暉不可到秋陰不  
易窮山溜何泠泠一泓瑩心胸澗曲流珠瀉石漱纖鱗空尋勝

非吾事茲賞亦偶逢

西湖講堂二首

佳麗稱兩浙風景首西湖院院仙家宅紛紛佛者徒於此有講堂乃在孤山隅月吉須讀法講說資詩書煌煌十六條 帝言合典謨勸民戒游蕩勸士學唐虞遊蕩非小害何以辦賦租唐虞亦易效孝弟可爲模能勉卽上智不移乃下愚古來歌舞場最易負居諸

撫軍受命來所重在封疆今者與多士稱說惟先王迂闊頗自笑功效何由彰學優乃能仕仕學須審詳爲學貴知本亦如築斯堂堂基苟不固棟宇徒輝煌風雨能飄搖欹斜乃其常鑒此各自勵先儒卽周行計功與謀利病甚怠與荒他日翊社稷還如遊膠庠

讀書臺金卷第三十三

六

浙江書局刊

天竺

松陰深處得崇岡乘暇探奇到上方洞外高樓連海氣窗前古桂識天香欲尋牧豎三生石更坐宜人七葉堂鬧裏不知誰是客蕭然適意且徜徉

城河工竣喜作

城渠久壅塞聞將踰百年修濬旣不易軍興力又殫我來底定後此事乃可言下車問疾苦慮患防未然此州多火災生勅豈無權念彼負販人往來最艱難萬戶資灌輸何以福市廛諭吏督舂鑪集夫出俸錢計期六月餘厥工幸告竣開井李鄴侯築隄白樂天豈不憚慮始杭民今歡傳我愧非其人內咎惟素餐敢謂有微勞庶幾免罪愆

杭州十景

西湖夜月

湖光月色首西陵一片空明景自勝鸞鏡忽從天上現驪珠仍  
向水中澄滿隄花柳融如雪大地河山潔似冰買得小舟乘夜  
發相期李郭可同登

浙江秋濤

廣陵作賦傳枚叟不識錢塘八月潮乍見海門飛匹練忽驚江  
岸捲輕稍魚龍盡逐銀濤徙舟楫時隨雪嶠飄白馬素車波上  
立靈胥怒氣未全消

孤山霽月

晴光遙射雪山斜泛艇來尋處士家橋畔有田皆種玉墓傍無  
路不開花扶桑蕩漾峰初露瑞葉紛飛竹半遮呼鶴探梅與未  
己夜來明月走銀沙

兩峰白雲

冉冉晴雲起玉岑望中松柏自蕭森千尋塔影分南北一縷煙  
痕幻古今鶴舞澗邊華表潤龍蹄洞口草堂陰瀰漫兩岫如天  
闕欲詣高山一鼓琴

東海朝暾

扶桑東望接崑崙面對朝暾不覺暄海氣蒸成蒼玉色日光盪  
出紫金痕波翻暘谷星辰動影蒸寒潭雷電奔聞說小春如合  
璧十月朔日試登秦望一開尊

北關夜市

臨安自古競繁華北郭人稠夜市譁蠟炬漫燃門欲閉畫船初  
散月將斜馬腔鼓吹多遊伎白蕩煙波半酒家闌圍依然南宋  
盛城頭更鼓已頻槌

九里雲松

鳳凰南望簇芙蓉父老猶傳九里松一派濤聲寒日月千山雲  
氣走蛟龍人行翠藹衣裳溼鶴避塵氛樾蔭濃惆悵何年摧折  
盡卻隨朝旭下高峰

六橋煙柳

十里塘邊鳥語嬌拖煙拂霧籠長條波心搖曳傳歌鬪水面滌  
洄鬪舞腰翠色漫飛竹葉酒綠陰時繫木蘭橈西湖未是離亭  
路留取青靑鎖六橋

靈石樵歌

靈谷藤蘿未易攀腰鎌曉起度雲鬟只知短笛橫牛背不道清  
歌出樹間松下泉聲諧抗墜風前鳥語弄綿蠻莫看仙叟敲棋  
局爛盡樵柯尙未還

讀書臺集卷第三十三

八

浙江書局刊

冷泉蛟嘯

一帶松風流水寒呼蛟洞口綠蘿攢攜兒長伴孤雲宿招友高  
攀萬木盤霜葉醉時鎔冷滴溪花開候湧文瀾泉聲嘯韻清如  
笛曲寫幽懷可並觀

西湖十景

蘇隄春曉

蘇公隄畔曉風輕春色芬菲十里平夾岸青山街落月一聲黃  
鳥報新晴桃花臨水迎歌扇楊柳含煙隱畫楹最愛兩竿紅日  
起放舟如在鏡中行

花港觀魚

荇藻交橫水面澄艤舟齊向石欄凭千層碧浪吹陰雪幾點紅  
英習古藤施食每隨金磬出放參時並玉泉升極知魚意同人

意俯仰濠梁樂不勝

南屏晚鐘

宗鏡堂陰對夕暉鐘聲冉冉白雲飛傳來客舍能清夢散入禪  
林可息機千佛閣中燈火盛萬工池畔管絃稀濟公卓錫曾居  
此遺響依然出翠微

柳浪聞鶯

千尺柔條煙霧迷扁舟載酒出湖西乍驚新綠波間皺忽閃流  
黃枝上嗁詞客尋春金勒駐歌人度曲翠眉低渭城日日縈離  
別何似隨風拂錦隄

三潭印月

湖上維舟日欲沈煙波三塔渺難尋寒潭無復銜山影孤月依  
然映水心隱隱漁燈穿遠浦迢迢城柝隔深林忽聞天半飛鴻  
度不覺清光拂素襟

斷橋殘雪

瑤林琪樹萬山遮霽色初開一徑斜衰柳凋殘飄亂玉長隄蜿  
蜒臥平沙詩人策蹇過蕭寺漁父藏舟詣酒家此去西陵剛咫尺  
凌寒先放兩三花

麴院荷風

芰荷香氣繞池塘宋苑無如麴院長也似尹邢憐素影還同秦  
魏鬥新妝涼生苻浦衣先馥暑滌蘭尊客欲狂正擬移舟隨月  
轉忽聞古調起滄浪

平湖秋月

平湖淡蕩起秋風月色玲瓏四望同歌管吹開白玉宇畫船掉  
入水晶宮煙波縹緲樓臺靜雲樹蒼茫洞壑通坐待乘槎人未

至一聲孤鶴唳長空

雷峰夕照

藉花深處水泠泠  
櫂轉舟迴此地經  
塔影凌虛射日紫  
山光迎照浴波青  
旃檀近與蓬萊接  
羽騎曾傳松柏停  
遊客登臨興未已  
又隨斜日到南屏

兩峰插雲

南北岩堯雲漢高  
擊舟石畔泛香醪  
峰連秦望分雙闕  
地接滄溟奠六鼇  
升巘直將捫日月  
驅山竟欲蹴波濤  
謾勞五嶽攀蘿葛  
坐對煙鬟興自豪

蘇隄春曉

隄畔花開徧曉來  
鶯亂飛遭逢太平日  
翻怪畫船稀

平湖秋月

置身明鏡中  
水月光同白  
船頭楓葉飄  
奈此秋風夕

花港觀魚

花香水初煖  
港小魚偏繁  
魚樂人同樂  
何須問漆園

柳浪聞鶯

柳綠千層浪  
鶯黃兩翅金  
畫船簫與鼓  
只恐讓嘯音

三潭印月

魚龍夜已眠  
湖舫歌聲起  
獨憐水月光  
與我心相似

南屏晚鐘

星稀鶴夢長  
月落蒲牢吼  
樹色鬱蒼蒼  
蚤出惟樵叟

兩峰插雲

何人居絕頂  
坐聽海風號  
倏忽浮雲過  
兩峰常自高

雷峰夕照

斜陽一片紅挂在雷峰塔歌管漸稀微鐘聲正鞞鞞  
麴院荷風

六月水風涼蓮歌聞麴院游人話往年酒價西溪賤

孤山梅雪

尋梅春雪中繫艇孤山下對景憶高賢賦詩羞豔冶

移撫江蘇

丙寅

恩綸移撫出 皇都部曲攀轅父老呼百里山川分鎖鑰一時  
文武並馳驅漢廷屢下蠲租詔虞帝曾傳巡狩圖水旱至今厪  
聖慮微臣何以慰三吳

讀書堂綵衣全集

河陽趙士麟玉峰父著

受業彭甯求輯

男宸黼編

卷三十四

金閨詩 四十二首

康熙二十五年丙寅  
調撫吳次年 丙召

郡學

吳郡古都會建國始仲雍大海從東注震澤復西通浙閩承其  
委荆楚當厥衝眷此山川秀豈第田賦豐我愛范文正捨宅為  
學宮曲為桑梓計宛與來舅同舅音昆遠孫也顧陸簪纓盛朱張甲第  
崇忘己仁人事無私天地衷悠哉懷往昔豁焉蕩心胸

讀書臺全集卷三十四

滄浪亭

昔有長沙客懷文弔靈均何如蘇子美俯仰得其真廣陵有廢  
圃梧柳委荆榛闢除出異境築亭就晨昏羣峰羅戶牖流水繞  
衝門時來高蹈輩牽舟共采蓴矧有牀頭酒日盡一卷文醉後  
歌滄浪清濁甯足論

白公隄

白公守吳時築堤從黎庶至今千百年陂陀自迴互檐柳映遊  
人鶯聲導前路居民多市花芳菲接園圃竹器與圃瓢斑瀾擅  
幽趣亦有居奇人陸離炫寶璐貴賤徵民風逐末非吾慕酒船  
近已稀力耕猶未務安得起香山從容為借箸維舟山塘間徒  
倚白日暮緬彼鷗鷺羣紛紛自來去

虎丘

珥節屏車徒升丘一以眺槍影侵白雲鐘聲出林表劍池清且瑩書法平原妙石磴鮮莓苔振履舒長嘯翼然可中亭一言契要道厯劫已千秋遺跡恣搜討啜茗坐雲根翩然翔小鳥萬物皆有靈頑石亦了了

其二

頑石教可施何況生民秀吳俗尙奢華鮮知事本富博筮徹寒宵笙歌娛清晝鳧雁啄稻梁土木被文繡所以遇災荒官司不能救夙昔固難除人文洵特茂我聞延陵子翩翩一華胄三讓存高風寶劍敦故舊又聞言子游不欲安寡陋羸糧趨聖門鬱爲文學首豈無杜與蘅菘蔬亦當禱所藉艷邑賢敷文振其後

其二

郡邑固需賢矧余一方帥昔撫浙東西書院湖干立斯道如日

讀書臺全集卷第三十四

二

浙江書局刊

星達者入其室今來泄三吳訓迪乃其職釋茲爽塏區卽在虎丘側講舍三四間草草具檯杌朔望肅衣冠田野亦隨入首將聖諭宣一一吐胸臆孝弟果能敦寇盜庶永熄講罷俯前軒山鳥亦自得爲憲慚仲山與文待朱邑

劍池

驅神鼓橐鑄干將光氣冲霄百魅藏神物祇應歸造化遊人猶自俯寒塘

千人石

千人石上露華新暮夜猶聞絃管頻一自六龍駐蹕後至今草木亦生春

平遠堂

振策登山椒煙雲生衣履南望草木繁琴川無乃是回坐平遠

堂不覺日移晷憶昔五馬來爲政多豈弟弊剔利乃興法寬民  
自理猶與白江州清標動吳市劉韋嗣其徽案牘澄如水厥後  
有王蘇風流堪比擬文詞愧古今膏澤被遐邇徘徊松柏間馨  
咳若可企誰謂五君遙高山深仰止

寶帶橋

昔人捐寶帶建此利三吳水勢連滄海山光抱太湖人煙迷驛  
路榆柳蔭行衢農事關疏濬澹臺可亟圖

楓橋

長橋勢盤空丹楓錯如繪不聞棲烏聲惟見寒山寺

其二

楓落雁聲稀人煙密無際惟聞夜半鐘不見寒山寺

靈巖山

讀書全集卷第三十四

三

浙江書局刊

靈巖在城西翠嶽翔天表俯身瞰太湖白雲爲之裊日出逗遙  
峰一抹青未了其上館娃宮夫差藏窈窕金屋自玲瓏服食視  
所少錦帳垂流蘇洞房不知曉至今琴堂邊佳人拾瑤草不念  
卧薪人種蠶復矯矯爲歡能幾何塵飛陽山道吳自授兵端越  
豈能爲沼徒傳響屨廊時聞環佩繞

鄧尉山

昔余遊西溪寒梅未全白下車詢土人指示南宋植枝幹如虬  
龍其下可布席彌望十餘里恍在眾香國亟欲呼林逋揮杯共  
登陟鄧尉茲亦然綿互地無隙方春二月間遊人日絡繹壺觴  
速故歡醜任所適有時微風來清芬沁人魄萬物易奮蒼誰  
能禦霜雪愛此姑射姿凌寒愈皎潔玉樹與瑤林坐卧不忍別  
荒晏古有規遠巡命回轍所志在撫綏日昃不遑數秋風叢桂

開重憩山之宅

穹窿山

那城林麓秀穹窿  
冒雲端喬柯自端  
結眾草萋以繁  
長虹垂卧閣層臺  
倚青天棲遲多羽  
士丹竈吐華筵昔  
聞赤松子采藥過  
其巔神仙多遊戲  
時在三山間世人  
誤服食安能駐衰  
顏至今明月夜遙  
見笙鶴還

支硎山

支公物化後歷歷  
千載期人事多變  
易茲名猶永垂天  
平暗相接白雲屯  
山陂峰峰如拱揖  
蒼翠沾人衣迴眸  
見飛瀑宛若雁蕩  
奇淙淙鳴佩玉炎  
夏凜寒威徐步過  
法露精藍竹參差  
丘壑稱絕勝登臨  
竟忘疲所慮近城  
郭遊屐恆追隨道  
林雅好鶴棲遁掩  
荆扉請迴俗士轡  
縱彼凌霄姿

讀書臺集卷三十四

四

浙江書局刊

天池

吳門有華山靈奇  
天所啟峰頂闢平  
池日月浴其裏中  
產千葉蓮服之顏  
色美可以壽期頤  
可以易毛髓攝衣  
叩靈巖誓必登厥  
地庶幾一遇之歸  
獻慈親喜西王事  
有無驂鸞不足齒

過趙凡夫墓

處士抱奇癖掩關  
日著書鼎彝分甲  
乙篆籀辨蟲魚野  
衲時橫榻生徒日  
造廬誰知百歲後  
長此委丘墟

其二

靈威得簡後林屋  
少藏書君獨搜金  
石兼能正虎魚遠  
鄰支遁宅近接長  
文廬寂寂空山裏  
梅花繞舊墟

洞庭山

東南有巨區神奇  
天地闢峰巒自鬱  
盤其地凌空發湖  
水日鬻

之瀕洞聲不絕常懼觸陽侯遂將仙窟拔居人善種蒔雅負囊  
駝癖千章比封君家溫而富實策杖步崇岡目力不暇給果疏  
沿門垂丹黃非一色好鳥翔其間鳴音中琴瑟誰謂此洞天猶  
居八九列兵燹自來無田園連阡陌何時共結廬孤舟掉明月

其二

欲作東山遊請從胥口渡臨風懷鷓夷寒濤忽奔注泛泛鷗與  
鳧爲余導前路漁歌互酬倡彝猶日將暮捨舟叩園扉人烟何  
稠聚正值櫻筍時中廚忝厭飫灼灼桃李花零落間飛絮濯漑  
視民風徒步自成趣覓路登莫釐雲霞千頃布鐸音奏碧空鏗  
鏘似韶濩欲訪角里村恍與僿侏遇

其三

一水分東西雙峰儼對峙卜築少民居林壑尤邃美中有毛公

讀書臺全集卷第三十四

五

浙江書局刊

又七古

壇羽化去如駛松柏散清芬山花雜蘭茝行行過洞門林屋毋  
乃是上帝命神人佐禹導洪水功成返名山其書藏石甌越哉  
吳闔閭強將丈人使窮搜遍巖巖于焉玉簡啟莫救句吳衰徒  
洩巨靈旨徘徊發浩歌慷慨振衣履焉知龍洞中不又羅圖史  
賈勇向前行左右盡披靡深秋黃菊芳橘柚復磊磊芙蓉秀江  
皋如錦亦如綺七十二高峰大觀至斯止縹緲霄漢間輒欲隨  
風起

石湖

具區何縈紆斯湖受其委眞宰結構奇不煩五丁啟洪波荷歸  
墟振盪爲之止上有行春橋徒步可曳履湖濬建招提往來紛  
如市峩峩楞伽山蒼翠延徙倚林木莽蕭蕭澗花幻紅紫

其二

范公有別墅近在湖之涓巖洞洵葱蒨好鳥巢高枝當窗浴鷗  
鷺遙接越來溪鳴琴思往昔耨鋤常自攜我來千載後高風渺  
難躋徘徊天鏡閣懷抱爲之怡室邇人斯遠山花高下飛

其三

中秋涼颯生巖桂合瓊蕊居民競來遊清歌催月起少鳥蟾影  
分穿波碎如綺流光盪心胸時懷石湖水無何九日臨登高傾  
闔里家家挈壺觴必自治平始奇峰四面來波流爲之匯徘徊  
松竹間殊與龍山邇

垂虹橋

鴛湖北去是吳淞昔日三江路漸壅煙水蒼茫垂蠓螬晴波蜿  
蜒兄蛟龍人家柳外多懸網漁舍難頭暗長葑闔郡至今窻雨  
澤纔經此地已憂農

讀書臺彙卷第三十四

六

浙江書局刊

吳門十景

金閶柳色

二月東風解凍時亭邊弱柳已絲絲飄揚畫檻拖煙霧搖曳雕  
欄縮別離閒看飛花穿紫燕旋攜斗酒聽黃鸝從來春色江南  
早不待高樓玉笛吹

鄧尉梅花

羅浮庾嶺未堪誇一徑香風十里賒樓上美人攀玉遂山中高  
士臥梅花枝枝積素飄籬落瓣瓣凝輝照水涯記得仙湖曾策  
蹇夜闌明月酒旂斜

支硎春景

此寺曾居支道林結廬何必買山深香燈掩映花宮敞松柏蕭  
森春晝陰檻外層巒環講席澗中流水漱鳴琴誰能放鶴沖霄

去開士高風未易尋

楞伽秋月

秋山如拭絕塵埃屏卻蘭綺古寺來是處龍鱗多天矯長空雁影忽飛回境幽翻愛涼颼起興劇幾忘落日催聞道重陽冠蓋集登高應舉菊花杯

橫塘晚渡

日暮輕烟漾碧空橫塘斜跨白隄東一輪山人爭渡萬壑松濤岸轉蓬古剎疏鐘來野外嚴城高閣起雲中吳門風景多如畫遙望銀河咫尺通

楓橋夜泊

一帶平橋日半銜遊人估客卸征帆雲藏古驛猶堪認楓老寒江未盡芟故邸清歌消絳蠟客窗殘醉理青衫烏嘯日落雖非

讀畫集卷第三十四

七

浙江書局刊

舊莫遣鐘聲到枕函

虎丘石場

攬衣踏月虎丘行簾捲蝦鬚分外明短簿祠前人未散生公石上露初盈千年劍氣沈波冷一夜歌聲倚管清自是壯遊多勝概蟾光遙射五湖平

長橋申月

桂楫蘭舟集水中央中秋申月異他鄉誰將兔影投龍窟引入虹隄繞蝻梁仰玩一輪澄玉宇俯看百道散金光洞簫清瑟殷勤奏勝舞霓裳蟾殿傍

太湖晴泛

鼓枻相期震澤遊風恬浪靜掠鳧鷗千重雲樹中流見萬頃烟波一葉收海氣常隨朝旭動山光時向夕陽浮褰衣縹緲峰頭

望宮闕參差接十洲

洞庭霜落

地界東西烟水長  
櫂聲嘔啞入蒼茫  
行看葉落峰巒翠  
坐對霜寒橘柚黃  
市上家家新釀酒  
村中處處雜花香  
桑麻雞犬皆仙境  
絕似桃源別有鄉

錫山

錫山亦是毘陵地  
遠距江湖境自寬  
一水澄泓味可掬  
九峰蒼翠色堪餐  
城依泰伯人煙合  
浦近春申蘆荻寒  
惆悵道南講席廢  
臨風懷古且盤桓

慧泉

一勺寒泉萬古流  
九龍奔注客來遊  
石欄風起珠璣碎  
山澗晴連荇藻浮  
竹徑香凝青玉案  
松門色映白瓷甌  
欲尋陸羽同評

讀臺全集卷第三十四

八

浙江書局刊

品七尺豐碑特兀留

敕建金山江天寺三十韻

茲寺稱名勝南徐第一區  
鋤金營梵宇浮玉聚生徒  
天塹分淮泗坤輿抱楚吳  
鐘聲穿岸出塔影入雲孤  
鹿女親持鉢鯨人欲獻珠  
蕭樓存舊址郭墓繞平蕪  
自是香蓮界偏移細柳符  
軍麾鳴鏑待部曲荷戈呼  
敗瓦空翻雀遺經任網蛛  
短垣迷估舶深樹隱齋廚  
畚築資羣力更新藉  
睿謨懷柔空鑄洛柴望紹唐虞  
岱嶽登封畢尼山降輦趨省方  
經北固間俗渡江都鳥隼  
輝山谷蛟龍避舳艫  
牙檣風伯送翠蓋月卿扶水落翔文鯉  
沙明掠錦舫式觀疆索盛  
差愈管絃娛匣啟研鸚眼  
奩開拂虎鬚

御書垂帶礪宸翰煥錕吾膏雨寬租賦恩波逮苾芻

鸞旂將就道鳳詔復宣塗輪奐元戎事錢刀內府輸烽

烟永不作睥睨又何須貝闕千層有琳宮六代無長廊綠複道  
朱檻映青蒲胸已吞雲夢身如置畫圖保釐臣職忝臨眺衆心  
愉帝德遊爲度皇仁澤及枯龜鼉思警蹕草木候來蘇

內陞兵部督捕侍郎丁卯

出撫東南異范韓三年奉詔入長安欣逢虞世苗頑化得  
觀湯廷法網寬丹筆每懷延蔓累赭衣猶念路途寒徬徨執  
燭無他意欲冀加餐慈母歡

孝陵恭謁二首

鼎湖一去杳難攀弓劒衣冠肅此間環海蒼生思怙冒神謀赤  
手定河山森森松柏來朝遠閃閃旌旗入衛閒霜露至今榮  
睿慮長從玉輅謁陵還

燕京定鼎復揆文王業艱難自昔聞五色神光凝瑞露千秋王  
氣擁祥雲圓丘配饗傳珪瓊清廟登歌達苾芬猶有白頭遺老  
在親承思澤頌南薰

讀臺龔卷第三十四

九

浙江書局刊

10505

